

**NDIRORI GEHENA**  
**RAMANDITONGERA**

**by**

**Thandiwe Shalom Ncube**

## CHAPTER 01

Tanyaradzwa akange agere zvake pamumvuri natete vake Josi, akanga arimasikati .Tete Josi vakanga vachimugadzira vhudzi rake, vhudzi iri raiyerera nekumafudzi ake uye raisamboiswa mishonga yakati kuuya iyi. Tete vake vaida kuti rinyatsoti tsepete vorisunga nema pini akati kuuya aya.Vaviri ava vakanga vave mukombe nechirongo kunzwanana. Josi wacho waiti mwana akazvarwa mudumbu rimwe naTanya, kungoti Tanya yaiva ngirozi zvayo,akanga akatambura nerunako waigona kupedza zuva rese wakayeva manenji akadai .Iro ganda waiti anogezwa nemukaka .Vazhinji vaiti haaende kuchimbuzi .Parizvino akanga anyatsoibva akura uye ave kuswerovhimwa nevarume vakasiyana siyana, iwo madzishe edunhu akanga atuma atumazve mapurisa awo iye achingoisa zvimiti munzeve .Nhamo yaakaona pavabereki vake yakamufundisa zvizhinji ..David ndiye aimushayisa zano, mukomana uyu akanga akabarwawo Mwari vachada .Aive nemuviri wakagwinya semhare, aiva mushava uye murefu zvishoma kupfuura iye Tanya.Mukomana uyu aive wemba yehupfumi, pachake akanga akadya mabhii .Mari mumhuri yavo aive matombo .Tanya akanga audza Josi kuti aidawo mukomana uyu.David akanga asisagone kuswera asina kuona chido chemoyo wake, svondo roga roga aiuya asi aiwana nguva diki yekuonana naTanya. Mashoko mazhinji aitomanzwa iye David naJosi .

Josi musi uyu akanga achida chaizvo kuti Tanya asangane neumwe wake kuzvitoro zvaive pedyo nemusha wavo . Apedza kugadzirwa Vhudzi Tanya akasimuka hake ndokunyemwerera achitenda tete vake, zvikomba zvemumatama zvakanyatsobuda. Rokwe rake raakanga atengerwa naDavid remavara vara chaiva chisionekwirwa .Chero Josi akatura befura achiona mwana uyu ave kufamba zvinyoro nyoro vaakuenda kuzvitoro .

**\*Sekai\***

Chinokanganwa idemo chigutsa hachikanganwi. Kunyangara kwakanga kwawedzera, akanga otaridzika sateteguru vezvimupanzi zviye . Akanga avakuita sekambuya nekungodzira nekutenderera pamba pavo. Moyo wake wakanga wave werovambira .Akanga ave kuswera akangozvimonera zihembe rinenge jira rambuya nehanda.Ziso rake raingotsvokora kuringa pamba paJeremiah uyo akanga amutamba chekuseri makore akapfuura .Shungu dzake dzakanga dzave pakutsividza .Adyiwa adyiwa ,arumwa arumwa ende aifanira kufa neumwechete kana kugadzira Tanya kana Josi chero. Jeremiah akamuona seakanga akapera basa kare fanika nezimudhabha rebhurukwa rake rainge ra Cesiri Rhode, akanga apera supu mumongo. Aida kurova serukodzi pamba. Sekai akarangerira pasi pasi kweNyika yeZhombe kwaive nen'anga yaive yemandiriri, akanga audzwa naamai vake . Akaronga rwendo urwu.

\*David\*

Kana ndichinge ndamuda ndinenge ndada munhu, Pana Tanya zvechokwadi ndainge ndaperera. Chandainyanyoda tsika, runako zvaro rungave ruchiwedzera rudo asi chekutanga tsika ndidzo dzakakosha. Chandainge ndichida pamwana uyu kutomukumbira chaiko kuvabereki . Pasina nguva ndakaona Tanya obudikira , ndakanyemwerera kuona chido changu chichiuya . Takakwazisana na Tete ndokutsvaka zvinwiwa kuti tinwe zvedu tichikurukura.

Ndakazopinza nhau yangu kuna yetete kuti ndaive ndichida kuroora zvine tsika mukati. Tete vakati vaizonosvitsa shoko kumba porongwa zuva rekuungana . Neniwo ndaifanira kuita zvimwe chetezvo zvekunoudzawo vangu vabereki kumba kuti ndainge ndakura ndave kudawo shiri yangu yekugara nayo. Takazopesana zvedu zuva rovira Tanya natete vodzokera kumba kwavo.

Iniwo ndodzika kumba kwehanzvadzi yangu.

\*Taruona\*

Kubvira zvandasvoda pachaunga ndange ndava kuda kusaita mabasa akaipa. Ndakaedza nepose pandinogona kuti Jere mwana wangu andide. Asi chandaiziva kuti

yaainge aita na Marwei aipere yakadero panotoita guva chete . Ndaigaroshungurudzika mumoyo mangu kuti hondo iyi ndaizoigona here , kudzokera kwa Sekai kumba kwavo akuna kunyanyondifadza sezvo ndaiziva chitsidzo chatakaitirana , ndakaedza kuda kunamata ndega asi ndaipererwa nemashoko. Ndorangarira rimwe zuva randakapfugama kuti ndinamate ndokungoti Amen ndisina chandataura , ndakaziva kuti hondo iyi yaitoda makwenzi zvayo. Kunamata kwaizotevera musure ndakudubura Marwei .

Ndakati sveverere ndakananga muchisango chaive pedyo nemusha wangu kotsvaka magwenzi zvakare. Ko kupiswa kweawo kwaitadzisei kuti ndizive amwe makwenzi, unorashiwa uroyi hwekutenga kwete uhwu hwedzinza hwotoda ini wacho ndinamate , haungoende hwega .

**\*Josi\***

Takadzoka zvedu kumusha kwaRunako uko kwatainge taenda , chandakasiya ndavimbisa maiguru vangu kuti tichadzoka tozokutora. Moyo wamaiguru waida asi vaitya kudzoka , chainyanyo vashungurudza mabasa amai.

Nemwana wehanzvadzi yangu tainge tava mukombe nechirongo, pese pandiri anenge aripowo , takazokurukura babamunini vangu kuti tichanoronga

zuva rekuti vauye pamusha . Chainyanyondinetsa amai  
vainge vongogara vakanyarara ameno zvimwe inyadi  
kana kuti vaive vofunga muroora wavo Sekai uyo akabva  
achidzingwa sembwa namukoma Jere.

**\*Josi na Tanya\***

Tichisvika pamba takashamiswa kunzwa VaTaruona  
vachitaura voga vachirovera kamudonzvo kavo  
vachiti.....

**\*END OF CHAPTER\***

## CHAPTER 02

\*Marwei\*

Ndakaona Sekai achiuya sechapungu chaicho kumanya, zvaitaridza kuti aive ane aimudzingirira kumasure kwake. Ndakaramba ndigere pandaive ndokusviko achiwira pamakumbo angu. Mwana wangu akahwihwidza zvandakanzwa kurwadziwa asi chaaichema ainge asingataure , ndakati regai apedze shungu ari ipapo ndichazomubvunza kana shungu dzaserera . Ndichiri pakati pekumirira nguwa yekuti anyarare ndakaona Jere achiuya demo riri papfudzi rumwe ruoko ruchizvuvu chisaga chandaingonzwa kuti ngwendere ngwendere kutaridza maive nendiro mukati . Asati asvika pandaive akapotsera chisaga chiya pachivanze ndokuchiperekedza nemashoko, "Muraire chidhoma chenyu imi chembere inazvo , ndikangoona rwana rwenyu pamusha pangu chokwadi ndinoita ngozi!! " Akabva atendeuka kudzokera kwaaive abva.

Ndakanzwa moyo wangu kubaikana kuti ndingatukwa nehwalu hwakadai, "Rombe irori risina kana chariinacho basa kutewera marokwe amai manje rwendo rwuno ndichatsetsa kusvika kubete rinonanaira nemadziro!!! "Ndakamuperekedza neanguwo . Sekai akazonyarara ndokubva ndati regai ndibvunzewe wekubereka, ndakachenamirwa nemwana wandakabereka zvekuti

ndakapererwa, "Munobvunza chii ipapa chamobvunza handiti ndizvo zvamaida kuti ndinokukurana nemagora ekwaTaruona ndichiuya nawo pano, chionai zvazvaita nhasi sekererai ka!!! "

"Nyarara apa pane kuti ubvunze kuti todii unongochemura uripanzvimbo imwe" .Ndakachenamawo ndichidzorera mashoko kumuridzi, "Pane mbuya inogara kumhiri uko kwaBhamala chitopota chemishonga ndiyo ingatokubetsera pakuswera uchingondihwihwidzira pano . Iwe waimudii Jere waive usingazive murume wemunhu. Wakaregerei kuramba? "Ndakaona chiso chemwana wangu chichinyemwerera ndikati nechemumoyo regai vakuru vakati, " Rwonzi rwunobva kumasvuuriro".

\*Taruona\*

Ndakapinda muimba yangu chinyararire ndokuwadza nhovo yangu, ndakatora bute rangu randaishandisa ndokutora chisvimbo changu , ndakatsidza kuti kana kuchifiwa ngakufiwe zvako , kusiri kufa ndekupi kuti ndirase mhuri yangu nekuda kwebveni ra Marwei . Ndakanzwa kushwinywa muviri wese ndikaziva mbuya vaine vasvika , ndakaramba ndichirovera svimbo iya pasi . Zvisinei ndiripakati pekudero ndakabva ndanzwa mutsindo panze ndikabva ndaziva Josi ainge adzoka naTanya . Ndakanyepedzera kuimba rwiyo rwesvondo



kuti vana vangu vasanzwe kuti ndiri muhondo yandiri kugadzirisa.

Ndakabva ndabuda panze ndakananga kuvana vangu .  
"Madzoka here mazimhandara?"Ndakabvunza mubvunzo nhando. " Hongu amai asi tinemazwi atinoda kukupirai anofadza ngatipindei mumba".ndi Josi aidero. Takaita dungwe takananga muimba yekubikira umo maive naJere aive akangoti tsiki zvaitaridza kuti ainge ane zvikumudya.

\*Josi\*

Ndakanzwa amai vobuda muimba yavo vachiimba rwumbo rwekusvondo , ndakafara chose kuti amai vangu vatendeuka pamabasa avo erima takazochingamidzana takananga kuimba yekubikira. Takazvisvokwazisa mukoma Jere avo vaitaridza vaive munyika mavo vega, ndaiziva vaifunga wavo Runako.

Ndakazopira nyaya kudare kuti paive nemueni aive afunga kuwedzera mhuri yedu . Ndakaona amai na Jere vachifara zvisingaite . Takazokurukura hedu dzimwe nyaya ndokubika kudywa kwemanheru uchingova mufaro badzi badzi . Takazoonekana takunorara umwe neumwe opinda muimba yaanorara. Isu takananga kwedu VaTaruona kwavowo , mkoma Jere mavowo.

\*Jeremiah\*

Kubva zvandanzwa kuti Runako chigagairwa kumusha kwake ndakanzwa godo kuti ndomutevera chete mudzimai wangu. Ndaimbozama kusanganisa pfungwa kuti zvakafamba sei kuti aende kumba kwavo asi ndaitopererwa chaiko. Amai vangu ndakavaregerera kakapetwa asi ndakavaudza kuti tiedze kunamata tichibetserwa na Tete Josi naTanya. Ndakazopeputswa mundangariro naJosi uyo aingopwipwinyika na Tanya vachipinda muimba mandaiveri. Mashoko akataurwa asi ndakamuudza kuti ngaamire nditange ndatevera Runako kuti agozoonza chidadiso chaitwa na Tanya ndakaziva kuti tatobatanidzwa nemwana.

Ndakazoenda muimba mangu mekurara ndakufara chose. Hope dzakandiba ndipo pandakarota Sekai achi.....

**\*END OF CHAPTER\***

## CHAPTER 03

\*David\*

Yakanga yasvika nguva yekuti vabereki vangu vazive zvandaيدا muhupenyu hwangu. Tanya chaive chibaya moyo changu, ndaifanira kumutora nemuchato, zvaramba ndaitomuba chete. Ndaidira Tanya kuti aisava akapaparika ende ndaitoona kuti yaiva mhandara yakazvibata. Ndichibva kupesana navo natete vake ndakatyaira motokari yangu pfungwa dzakuda kopakurira vabereki vangu zvandafunge, ndichiridza mimhanzi yerudo zvangu, ndakaerekana ndasvika kumba. Ndakasvikoswedza amai vangu nababa. Tapedza kudya manheru ndakapinza nyaya yangu mudariro. Baba vakafara chose .Vakatoti vaizondibatsira pane zvose zvandaيدا .Vakati vaitarisirawo kuzomboonawo Tanya tisati tatorana. Baba vakazobuda vondorovera matama pasi nemufaro woga .Nguva yose iyi amai vangu havana chavakataura, vakanga vakaisa muromo mumhuno vakangoti kwindi. Baba vaenda vakazotsveta foni yavo pasi, vakandibvunza kuti ndaida kuroora mwana wepi. Ndakavaudza asi vakaramba chose vachiti ndaisafanirwa kutora musvuuganda asina kufunda seni. Amai vakapika kuti Tanya ndaisazomutora. Ndakaputirwa neshungu zvekuti andina kuzomirira mashoko avo. Ndakabva ndangonanga mugota mangu chinyararire .

Ndakanga ndiine zano rekungoronga zvose nababa vangu, ndakafungawo kuti ndaifanira kudzokera kuna Tanya

ndomupa chipo chenhare mbozha. Ndaitira kuti zvive nyore kutaura tose.

**\*Jeremiah\***

Ndakazobatwa nehope nerufaro rwenyaya yaTanya.Hope dzakandiba zvemadzikirira .Ndakarota mukadzi akanga akanaka sengirozi achiedza kundipa nyama yakanyatsotsvukira kukangwa asi huso hwakanga hwakavharwa neji, ndakuda kutambira ndakanzwa kutya kukuru. Mukadzi uyu akapfugama pandaive ndirere .Akatanga kupuruzira dumbu rangu .Pandakabvisa jira kumeso kwake ndakaona ari Sekai.Akada kundinyemwerera asi ndakaviruka nehasha, takarwa muhope umu zvinotyisa. Aitondirova achiti handirambwe zvekumhanya zvamunoita kiti kuyiisa musaga mokanda mudziva iri mhenyu .Ndakapatika kwayedza handina kuziva zvairevei, andina kuda kuzorara zvakare ndava mukati mendangariro.

Kuda kuroorwa kwaTanya kwakaunza zuva nemakuti matema mumoyo mangu .Zuva raive mumoyo mangu mafashamu erufaro . Ndakaonawo gore dema richivhara pfungwa dzangu pandaifunga mai vacho . Ndainzwa kunyara kupera pfungwa sekagwati kesipo . Runako aifanira kuvepo pakuroorwa kwaTanya .Ndaifanira kutotevera Runako .Ndakazodaidza Josi ndokuronga rwendo urwu .Tanya akasara naambuya vake.Takafumodzipa jongwe muromo takananga kumusha kwaana Runako .Tichisvika teteJosi ndivo

vakapinda mumusha mavatezvara .Ndakasara ndichingoti chauya shavi rebveni, ndakanga ndakutya kurambwa kana kurohwa .Pave paya tete josi vakauya vakatungamidzana nekamwana kasikana kakanga kakura, kakanga kakafanana naTanya.Vachisvika ndakasvikotorwa ndokupinda mumusha .Hana yairovera kutsoka . Kungoona mupini ndaigona kungoita chitsoka ndibatsire . Ndakarova gusvu ndikadairwa kuti ndipinde .Ndakakwazisa vose vaive mumba, ndakagara pasi pedyo nemusuo. Imba yaive izere nehama dzaRunako, vabereki vake nehanzvadzi nevaroora vake. Ndakashama kunzwa pave kushaurwa dzekunamata, mumba umu makanamatwa zvinotyisa. Vapedza kunamata takaomberana, Tezvara ndivo vakazoti vakanga vafara kundiona uye vaiziva kuti mweya yetsvina yainditonga .Vakaenderera mberi vachiti pfuma yavaida kwandiri kunamata .Chepiri vakazoti mhuri yangu yaivepo uye takapihwa mukana wekutaurirana toga panze. Tiripanze ndakashamiswa kuti imhepo rudziiri yakanga yandibaya. Runako rwaive runako rwoga mukaka zvawo usingade kurungwa .Ndakamukumbira ruregerero ndakapfugama uku ndichipfikura kuchema .Runako haana chaakataura .Akaramba anyerere achitopora topora pasi nechimuti, ndakazvinyararidza ndoga .Ndakamuyeva zvakare .Ndokanyatsoona kuti igehena ramanditonga naro vaRunako woye .Pave paye Runako akazoti .....

\*Sekai pan,anga\*

Ndakasvika pan,anga rungwana ngwana.Iyo n,anga yakanga yakapfeka dhirezi dema .Yaiita seine nhumbu dumbu kukura .Meso ayo akanga akazorwa zvitsvuku .Maziromo akakora kunge enjiri akanga akapendwa netsito .Mumusoro makanga makapfekwa dehwe rejerenyenje.Yakanga yakabata zimuswe raipota richipumhiwa pese pese, muchiuno makanga dehwe reshato . Ndakatarisa hari dzaive mberi mumba umu.Maipota muchibuda musoro wezirovambira raindidongorera .Seri kwegonhi ndiko kwaingoita ruzha rwezvinhu zvainge vanhu muzinhava .N,anga yakarova hakata dzayo ..Ndakanzi ndibvise mari yedare .Ndabvisa ndakerekana ndaakuudzwa zvandakange ndafambira .Chokwadi n,anga iyi yaiona. Kuti zvinhu zvangu zvifambe yakanditi ndirare padehwe regudo rakanga riri pedyo nehari yaive nenyoka . Ndakamwiswa mishonga imwe yaiita seropa . Yakabva yarara neni n'anga iya. Ndakararwa veduwe uku zvinhu zvaive munhava zvichiita mhere mhere yekuratidza kuti ndaitoseenzwa nezvinhu zvakawanda mumba umu, Zvopera chiremba akadzungudza musoro achimbonyemwerera .Imwe Hari yakazomwaiwa mushonga kubva ndaipihwa .Ndakarairidzwa zvekuita nayo ndave kumba. Ndakadzoka kumba ndichinzwa rimwe simba rinotyisa. Ndakanga ndaronga ku .....

**\*END OF CHAPTER\***

## CHAPTER 04

\*Runako\*

Ndashamiswa nekuuya kwakaita Jere mumusha mekwedu chokwadi mishonga inopera , vakadzi varimudzimba musabvundidzirwa nemishonga . Ukanyatsonamata kuna Mwari anokunzwa. Ndasharamba ndinyerere Jere achitaura ndakazongoti, "Ndakakuregererwa rwakapetwa kare!"

Ndakaona rume robwaira apa nyemwerero ichisvika kumatama. Ndashazodedza Tete ndovaudza kuti ndaizotevera. ndakazoenekana naTete na Jere vodzokera asi ndakavimbisa ndikutevera. Chandaيدا kusara ndichitsanya.

\*David anotora Tanya kunoratidza vabereki\*

Musi wesvondo wakashvika, Josi na Tanya vakanga vakapfeka zvinoyevedza chero nemhuka dzesango . David akavachingura pamugwagwa waidzira kumba kwavo .David akaita kumbundira mudiwa wake. Akavazarurira motokari vachibva vapinda .Motokari yakasimuka yakananga kumba kwaana David.Vachisvika vakatambirwa naivo Mai vaDavid.

\*Mai David\*

Kungoti baaa tsvarakadenga iyi moyo wangu wakabva wafara ,ruvengo rweze rwakabva rwatama,mwana ainge akazvarwa pachokwadi .Ndakamuchingura ndokupinda mumba tsika dzaive Nani zve? Chokwadi mwana uyu aibva kuvanhu .Takakwaziswa akapfugama nemabvi kwete zvandinombozoona tumwe tunzenza tuchiita.

Mwana ndainge ndamuda ndakaudza Tete vake kuti taizotevera nefuma yavo chokwadi vakafara chaizvo takazoswera tokurukura , zuva rovira ndokubva vaperekedzwa naDavie.

\*Runako\*

Ndakazotevera mushure mevhiki mbiri . Handina wandakachaira runhare , vanhu vakangozoona ndasvika pamusha . Munhu mumwe akandiona ndichibva kuchiteshi ndiMarwei uyo wandakaedza kumhoresa achivhuna huni pedyo nemusha wake haana kudaira.

"Tisvikewo!" Ndakadero ndichisvika mumusha wekwana Jere. Mhuri yese yakandichingura nerufaro , kusanganisira vamwene vangu Taruona. Ndakangoti mbiri kwamuri Musiki munoshandura moyo yana Sauro chokwadi . Takaswera tokurukura pamwe tichifara . Kudya kwemanheru kwakabikwa ndokuzopesana takunorara.



\*Marwei\*

Kuona kwandakaita Runako moyo wangu wakabva wasviba . Ndakakundikana chero kumudaira ndakamanya kunoudza Sekai uyo akataridza kuti godo rainge ramubaya , wakamboti regai tinorwa asi ndakati Sabhuku waizotiripisa . Chifumi chamangwana ndakati regai ndimbotwasanura makumbo ndakananga muchisango ndiye dhuma dhuma na Taruona.

\*Taruona naMarwei\*

VaTaruona vakanga vakadzika zvavo kuchuru chaive kudivi rekunogezera vana mai vemusha.Vakanga vachitsvaga ivhu rekuumba hadyana zvavo, Chembere iyi yakanga yadya makisimusi asi yakanga ichikuzvinzwa.Yakanga yakatakura chisaga iwo mudonzvo wakaberekwa kumusana.Vachangoti dzikei vaakupinda musango pedo nechuru chine ivhu ravaida vakabva vati dhuma dhuma kusangana na Marwei. Hapana akada kutsaukira mumwe.Marweyi aibva muchisango umu umo aitsvaga zvigakata zvokusevesa . Pafudzi akanga akatsiga chitanda chokupfutsa moto. Achionawo Taruona hashu dzakauya kuona kwaakaita Runako. Akafunga kutambiswa kwakanga kwaitwa Sekai, akabva akanda twaaive akabata kwakadaro . Marwei , "Heya waakufara ka imbwa yako yakadzokerwa na Runako ukati wangu mwana indove ka ?"

\*Taruona\*, "Pfutseke iwe ndiwe unembwa yakavinga mukono kwangu. Zvino zvayakafa chibereko uchadii ? Ndiani anoda ngomwa maipe akadaro ?".

Marwei akavaviwa nemazwi aya. Akakaruka akwidza chibhakera chepashaya chaipo, akapamhidza nechimwe chaakavheya nesimba rake rese chakanga padumbu. Taruona kakati nzveee kachigomera nechekutanga chiye, ndiye bhutsu kufangura Marwei nechekumagadziko, akaperekedza nezigwati kumusana. VaTaruona vakanga vaipirwa. Vakakasika kuteeera nezhaba chaiyo padumbu. Marwei akangonzikwa kuti yoweeeeee kamwe chete ndiye pfocho nemusango kutiza. Zvikati zvasonana tsuro nagudo musango. Mazwi aiita semvura kunaya vachitukana, Marwei aingomhanya achidaidzira kuti ndichakubata wandifuta ,ndichakupedzera .Twukomana twunotsvaka munyana nditwo twakaonerera bhaisikopo rese. Mhere mhere iyi takasvika munzeve maJere uyo akamanya akananga kwaibva maungira. Jeremiah ndiye akazobata amai vake avo vakanga vaakungomonyanisa muromo neshungu. Akaenda navo kumba chinyararire, Runako akasvikotambira vamwene vake nekuvapukuta uye kugadzirisa hembe yakanga yavekuita sesaga reku kukuzva hove . Jeremiah akazoziva kuti Chembere idzi dzakanga dzarwira kuuya kwa Runako. Zvakashamisa kuti apa akanga ave makara asionane vanhu vaimboita sevachachinjana varume.

\*Sekai\*

Ko uroyi hwakafanana nengozi, autange kurwadzisa iye nyakupara unototanga kuhama dzake.

Zvandainge ndaronga kwaiva kukuvadza Josi kana kuti Tanya . Ndakazopererwa ndonzwa amai vangu vachiti Runako ainge adzoka. Ndakambofunga kunorwa naye , asi kuripiswa ndiko kwakandidzora ndakazvidemba kuti chokwadi ndirori gehena ramanditongera nhai mhai, ndaive ndanyanyoshaye chokwadi kundiita chinyadziso chenyika kudai. Takazonorara zvedu ndisina chandataura. Chifumi chamangwana ndakazopererwa ndoona amai vouya vari jeti chaiyo zvaitaridza vaive varohwa, ndakabva ndaziva.....

**\*END OF CHAPTER\***

## CHAPTER 05

\*Marwei\*

Ndichisvika pamba pangu ndakasvikoti kwede muimba yekubikira ndiye zivha kugara pa bhenji. Sekai ndakamuudza zvakanga zvaitika . Chokwadi varipasi vakanga vandinyenamira,zhaba yandakanga ndapihwa yairwadza kudairira mumbabvu. Taruona akanga apinda nemwenje mudziva ,kufarisa chaiko kupukuta shena nemhungu. Ndaida kusosa musha wake, ndakanga ndabayiwa padumbu nerakagomara. Kungoti ndakanga ndava shumba isina meno. Ndaida kurara ndakatasva vana vake vachidzura zvidhongi zvese zvemumusha kusvika vati baba. Umwe moyo wakati ndipisire Taruona muchihozi chake chaairara chaita kunge chikopokopo chakamhara. Ndakatyia kubatwa, musi uyu handina kurara neshungu. Sekai ndakazomurairidza mashandiro ehari yaakanga apuhwa. Akatanga kuomberera hari iya wanike mashura atanga. Muhari makabuda nyoka nezvidhoma zviviri. Tsoro yakanga yanaka. Naiye Sekai akafara kunge achabhururuka, akabva atanga kudeketa mazita epamba paTaruona kuti vandodushwa nekurumwa. SaTaruona ndakatoti araroyamwiwa mazamhu anenge mahanesi emadhongi. Zvidhoma nenyoka zvakabuda kuenda zvichishinyira nehukasha. Nenguva isipi ndakanzwa ndimi dzinenge dzemupostori ainamata. Zvinhu zvemwana zvakadzoka riri bara. Zvakasvikoputsikira pa....

\*VaTaruona\*

Ndakaziva kuti Marwei anakirwa, ndakanyatsonzwa kuti ndamuhaka panonaka paakagomera senguruve irikuzvara ndamutibura. Asika ,kudenha mangwiwo wotochama. Chimbuya ichi kuvharavhazhuka sejarachara pada akanga asara netumwe kahi. Mhuri yangu yakanorara .Ini hadzina kuuya ,ndaitoziva kuti zvine manenji gudo kudonha mumuti Handiti rakanga radonha here Marwei kuzotiza zvimbokoma. Pave pakati pehusiku ndakanzwa kuti shiiii,kushinyira kwenyoka .Iwo madziro aiita sepene chinokweshera .Ndisati ndambodii vana vangu vainamata. Ndakabva ndatsveta mudzi wandakanga ndoda kukanda panze. Ndakangonamatawo mairi badzi, panze pakaita bongozozo zvinhu kumhanya uku mhenzo aitura ndimi dzechechi. Ndakazorara nhengure yavekutoimba, Josi ndiye akandimutsa pamwe na Tanya . Takagara mumba yangu yokubikira. Runako akanga arimo. Ndakarovera moyo kudombo ndokureurura pana Runako, ndakamuudzawo mabasa angu na Marwei . Takasimbisana kunamata tichibva tadya hedu nerufaro. Runako aive muroora chaiye rima rakanga randiparira naiyo yedu yemajangano iyi. Takabuda panze tichiseredzera mafidyongo atakanga tapakurirwa nemuroora . Takagara panze kudaro takakaruka toona Sekai achifora achidambura nepachivanze pedu, rwendo rwuno akanga adzikira chose. Akanga akati kwindi kutsamwa kunge kunze kwaakusviba. Haana waakataura

naye, akanga akabipitira bhasikiti muhapwa, aitonhuwa sechidembo. Akangopfuura ndiye tande akananga nechikubindu redu. Chokwadi takanga tofudzwa sembudzi . Zitsamwa raakaridza achipfuura pachivanze pangu raireva kuti mutambo uchipo .

\*Sekai\*

Kukundwa kwezvunhu zvangu akava mashura, asi chiremba akandivimbisa manenji. Kubva zvarohwa mai vangu ndakanzwa moto weshungu kupisa mumoyo mangu. Harina kumedzeka jena muponesi ,sadza, Jeremiah achitoyemedzana na Runako .Ndaivadongorera vachizemberana ,kuyemerana nekungofamba vakabatana maoko zvandisina kumboitwa ini.Heya ndaingove chimupedzanyota nhai ? Bundu rainyatsoti mbiii kugara pagurokuro, pedu pakanga pasisina rinodyiwa richipisa. Akange ave mazvake mazvake mushure mekurambonyadzi swa pamusha pedu. Ndakarangarira kamwe kamutambo kekufinhura kandaيدا kuita Jeremiah nerukadzi rwake. Ndakadimbura vachangobva kudya kwemangwanani ndakananga paigewerwa nana Jeremiah . Ndaive nebhasikiti rekunotora ivhu repamakuva. Ndairida kuedza zvimwe sechembere yekwachivi yakabika matombo. Ndichisvika pachigewero ndakazorera uriri kana kuti hozhwa paruvare pavaiwanzorara vasina hembu. Ndakabvapo ndavekunzvenga nzvenga nemiti kuenda kumakuva. Paitoda ivhu repaguva rebenzi chairu Ndakabva nda....

\*David\*

Ndakazogara pasi nevabereki ndokuunganidza Mari yataive tinayo kuti tinokumbira .Ndakafonera mudiwa wangu kuti ndinzwe zuvare kuuya. Mudiwa wangu akazoti takasununguka kuuya nemuvhuro . Aingova mazuva maviri aiva pakati . Amai nababa vakabva vatsvaka munyai.

\*Jeremiah na Runako\*

Rudo runotapira sehuchi uine wako chaiye wekuzvisarudzira .Vaviri ava vakanga votorezvana sejaya nemhandara, vakanga vachiyemerana ,kutoberekana nekubatsirana mabasa . Runako aive munamati akakwana . Murume wake aimudisa chose, Sekai chichangopfuura Vaviri vakambogara chinguva .Vaida kuenda kundogeza zvavo .Vakarongedza tumbatya twaida kugezwa. Ko twaive tunganiko, Runako akazonyengerera Jeremiah kuti vambonamata sezvo hana yake yairova kubva zvakanga zvapfuura Sekai. Sezvineiwo vakanamata ndiye hutu vachidengaidzana senjiva. Ukuwo Marwei akangoita fungira mumoyo rwendo rwem wa, aitosvotwa nezviitiko zvepaTaruona. Zvaakaona Jeremiah na Runako voinda kurwizi Chembere yakaruka zano rekusvotesa. Aida kundogadzira nyaya yaizoita Vaviri ava vaende padare, akati kwanyanu paakanga agere ndokuchekerera achitoita toyi toyi nekamudonzvo akakotamira mberi kuti

asaonekwa. Akasvika pachigezero ndookukatanura zihembe rake rainge teneti .

Akariti tsvee kwadaro, akadongorera kwaibva vana Runako ndokuona vaakutosvika. Chokwadi mombe vaitoiripa yekudongorera Chembere ichigeza. Marwei akabva ati umburu umburu paruvare pakanga pakanikwa neuriri na Sekai.

Jeremiah na Runako Vachisvika vakashama kuona munhu aiumburuka pavaigezera. Vakamira vachitarisa mashura padunhu. Vakambofunga kuti pada ibenzi chairo raive murwizi, vakazonzwa,

" Hey heyi iiiiii aaaa ndaswinyiwa ,yuwi ,yowe „,Mai kani „,,aaaaa „,heeee „,,apa panyanya „,! " Marwei aigwabvura kukwenya. Aiti kukwenya musana ,akagoti pakati pemakumbo nekukasika hoyo kukwenya mazamhu ,Aikazve uyo padumbu. Haa iko kushiringinya nekutaurisa oga .Akambopinda mumvura nekuzora madhaka hazvina chakashanda. Sekai achibva kumakuva akahwandira parwizi achida kuona mhandu dzichikwangwaya. Akaona heano mashura ! Ko zvapaiva nemunhu anenge chigure akazara madhaka achingogwabvura. Asati anyatsoona mhere yakatunga denga yekuswinyiwa. Izwi akariziva asi munhu akamurasika, kuti aswedere pedo zvaisaita. Marwei akazoono kuti yakora moto akurirwa ndiye zimhere achibva parwizi asina kupfeka, kwakanga kuisiri kufamba kwemunhu arikuziva kwatirikuenda. Kukwenya haana kumira.



Jeremiah na Runako vakapererwa vakazorara pasi  
nekuseka, vakaringa kudaro vaka.....

\*END OF CHAPTER\*

## CHAPTER 06

\*Marwei\*

Mbuya Marwei vakanga vongsairira makumbo vachitamba tamba nekuchema vachishiringinya. Hembe vakanga vasina. Vaingofamba vachichema vomboshiringinya. Chembere yakanga yatsvukira iyoyi. Kukwenya haina kumira, yakanga isisatevedzi nzira, yakaerekana yasvika nepachivanze cha Taruona. Yakanga yave kuchema izwi raenda .Taruona kungozviti baa akabva arwutanga .

\*Taruona\* : "Ibva pachivanze pangu ! Pfutseke ,wauya kuzopinga chii pano ? Kunyepera kukwenya iwe uchizunzira huroyi hwako pano,ndati fambisa uendeeeee ! Ndinokupamha futi zhaba ,bhutsu nefutada ,wakajaidzwa ! Usangomonya muromo nhando semuswe wamabhuru unosunga ndove ..!"

Taruona haana kuzoenderera mberi. Akatoona kuti shasha iyi yakanga isiri yoga. Yakanga yakagarwa nezvimwewo. Akasimudza musoro kutevedza kwaienda na Marwei. Akaona Chembere ichipinda mumba ichizvidira mugomho wemvura ichingobowa. Taruona akarovanisa maoko zvekugumirwa ndokudzokera paaive agere. Akaonawo Sekai achifambisa semujoni anopega munda. Akanga achirakidza kupererwa, aive nebbhasikiti nezvihembe zvamai vake. Sekai akangosviko fukidza Mai vake chichira ndiye mhitsu kuvasimudza. Akabva avaisa

mubhara ndokunanga navo kuchipatara, munzira mose aifambisa bhara achichemawo. Shungu dzakanga dzazomumona zvisizvo, "ko ngeyi vepasi vaitirasisa kudayi ?" Uyu mubvunzo waimubaya mumoyo senariti.

### \*JEREMIAH\*

Jeremiah akagara pasi nemudzimai vake, akagadzira hurongwa hweroora ravaida. Zuva rakarongwa rekuroora, chavakanga vimirira kuuya kwa Sadombo. Vakanga vanyatsotema mari refu nemombe gumi, vaidi kuti mwana asangoende nhando. Sadombo akazouya, akakumbira zuva rekuroora, vakamupa zuva pamwe Nenguva .Munyai Akakumbira zvole nemuchato . Jeremiah nemudzimai vakabvumira vachiti zvaizoita kana kuroora vabvisa zvole zvaidiwa. Josi akanga ari mubishi rekubika sadza. Tanya achipedza kutumbura hove akamira pamusiwo ndookurasa mvura yaiva mudhishi .Akanzwa kuti adira chimwe chinhu. Akangofunga kuti imbwa .Akadzoka mumba ndookukangira muenzi uyu hove idzi. Sadombo vakapihwa chekudya .Rume rakatamba nemisuva wesadza zvaishamisa , kana kumbonyara kuti muyenzi .Aiti akati timbe musuva muhombe osvinyanga kamwechete ,oseva mumuto waibwinya mafuta. Aibva auti ndonye mukanwa wanike gurwi kumedza .Jeremiah aitoyeva zvake firimu iri. Sadombo akazoseredzera nezikapu remvura ndookuoneka achienda kwake. Mumba umu makasara vanhu vachipembera nekunamata. Naivo VaTaruona

vakatowanawo mazwi ekureva kuna Jesu. Vakazoudza mhuri yavo kuti vaifanira kungwarira Marweyi nechimwana chake. Chakanga chasara kutambira vaenzi svondo yaitevera. Pakarongwa kuchenesa musha nekudzura dzimba . Jeremiah akarongawo zvekutsvaga wekukwereta mbudzi. Sezvo pakanga pasina muriwo, zuva revaenzi rakati ra .....

**\*Munyai\***

Hurongwa hwose David akanga agadzirira. Ndakatumwa kwaana Tanya. Ndakasvika zvitsvene pamusha uyu .Zvose zvakafamba zvakanaka, ndakadya machikichori chaiwo, nzara yakanga yandibvunzawo mutupo. Ndakadzoka kumba kwaana David avo vakafara chose, Baba vacho vakazoti ndaifanira kudzokazve zuva rekuenda rakwana ndoinda kunofambisa basa rese rakanga rave pamberi pedu.

**\*Sekai\***

Ndakafambisa bhara moyo wangu wave kure. "Ko chiiko chakanga chamboitika ? Iko kukiriniki ndainoti mai vanzii ?" Ndakafambisa bhara misodzi turi tunzizi kubuda, mai vacho mubhara vaisagarisika, yaingova nyonga nyonga, vaimbokwakuka vachikwenya. Iko kudzaita nekunguruma haikona, ndakasvika navo ndanzwira. Manesi akadaidzana vachiti paita mashura, ko vaitoona sekuti mai dzadambuka. Vakandinaya nayo

mibvunzo, ndakandandama kupindura .Ivo mai ndivo vakatanga kukwamatata kutaura.

\*Marwei,\* "Ndi Taruona akandiroya ,akazorera mushonga pachigezero !Anofanira kuve akakweshera mushonga kuti ndifeeee ! Yohwe kani amai vangu ndofa ini !".

\*Nesi,\* "Eh imi mbuya pano hatirapi vekupumhana ,zvamaziva kuti huroyi madii maenda kun,anga ? Swederai apa tikubayeyi".

Vakabva vabayiwa jekiseni ndiye rokoto kukotsira .Ndakazatora mai ndiye petu kudzokera kumba . Ndakavaradzika zvangu, ndakatanga kugadzirira kubika .Ndiripakati pekutyora huni ndakaona murume akanga akapfeka sutu nhema achisvika pa Taruona. Ndakanzwa achirova gusvi, akapinda mumba yaive izere nemhuri iyi, ko aideyi murume uyu ? Ndaka kanda twuhuni pasi ndiye vere vere nyahwa nyahwa kuenda pamba apa .Ndakateya nzeve ndiri mumadziro pedyo nemusiwo chaipo .Ndakanzwa murume uye achitaura nekukumbira zuva nehurongwa hwekuroora Tanya .Hana yangu yakarova, ndakafamba pedyo nemusiwo .Ndakanzwa kuti mwaaa kumeso kwangu, ndakadududza ne nhendeshure. Ndakanga ndamwaiwa mvura ine zvine matumbu ehove, Tanya akanga andidenha futi ! Ndakabhidhaira ndakananga kumba kwedu,Ummm ndakanga ndangove hove dzoga .Zano rakanga ravekuda kugadzira .....

\*END OF CHAPTER\*

## CHAPTER 07

**\*Tanyaradzwa\***

Zvinhu zvangu zvainge zvakufamba mugwara randinoda , chokwadi mukunamata mune sikireti isingazive vazhinji. Ukanamata zvese zvaunoda Mwari anokuitira ndiwe unenge wotomuudza zvaunoda panguva yaunoda. Shuviro yemoyo wangu yainge yazadzisika rwazvino. Vabereki vangu vainge vava pamwe chete chainge changosara kunyepfura tafura pamberi pevavengi. Mota dzakadungamidzana dzakananga mukati memusha wedu , chokwadi akuna chidadiso chinodarika ichi.

Mbuya vangu vaingunonyemwerera , vavakidzani vainge vadeedzwa kusara kwaMarwei naSekai avo vasingade kusarira vakangosvika vega.

**\*David\***

Akuna zuva rinodadisa sezuva iri , Hama dzangu dzese dzakandiperekedza kunobisira muroora waamai, kusanganisira hanzvadzi yangu Nesi, akati pakadai andisare . Takananaidza mota dzedu takanga mumusha

wekwa Ncube. Chokwadi zvaiddadisa, kunoti baaa tsvarakadenga yangu , Hana yakarovera pamusoro chaipo . Chiona Runako rwune mwana wevaridzi chokwadi unotura ukazorora.

Takachingamidzwa kupinda muimba yevakwasha . Ndokugara zvedu panhovo . Takabvisa pfuma yese yainge yakarehwa natezvara vangu. Chikafu chakagadzirwa tikadya nekunwa tichifara, chakanyanyo kundifadza kuti ndainge ndaroora mwana anobuda mumhuri inonamata.

**\*Sekai\***

Ndakaona kwana Jere kwaive kwazara vanhu ndakanzwa godo kumera kuti ndiye Tanya here uyu wandaiita chikorobho. Ndakazvidemba kuti dei ndakamubata zvakanaka dei nhasi ndodyawo pfuma ndiri pamwe nababa vake. Ndakananga paruware ndokupurura shena yandainge ndinayo . Rwazvino nhamo yainge yandiibvisa, miromo yainge yakwatuka nekusadyawo zvinemafuta. Kana kuri kuonda ndainge ndangoreburuka semunhu akaminya banga. Ndakafamba zvishoma nezvishoma ndakananga kumusha waTaruona . Ziso raimanya sererwaivhi kutsvaka tsoka ya Jere , Runako , kana Tanya wacho .

**\*Marwei\***

Ndakakambaira kubva panhovo pandaiveri, mushure mekunzwa mhururu kwaTaruona , mapundu andainge ndinawo aitonyadzisa . Asi azvina kunditadzisa zvandaيدا , ndakatora ruchira rwangu ndokukanda musoro , ndokupoterredza kuno kuhuro, chandakangosiya panze maziso kuti ndisazofamba ndichibondera. Ndakananaira ndichipinda munzira , chinangwa changu ndini ndaichiziva . Ndakapepereka ndakananga nechekudanga . Zvisinei ndakaona Tanya uyo ainge ngirozi kuri kunaka , achisvaya mbudzi idzo dzainge dzadarika nepachivanze paiva nevanhu vaibika . Ndakaona hoyo akuuya nekwakadziva kudanga . Ndakabva ndahwanda nekamuti . Ndakaona asvika padanga ndokufuratira odzokera kumba uko kwaingonzi nevaibika "Wazviita Mancube , wazviita!"

Ndakanzwa godo kumera ndokufambisa ndakananga kudanga kuye , ndakasvikonokora kashoka iyako ndokunzuzuta ndakadzokera kumba kwangu kunoka tsveta. Ndaizogadzirisira ndadzoka.

Ndakadzoka ndoshandisa nzira yaiuya nepamusha chaipo , ndakazviitira kurasisa muvengi .

\*Sekai\*



Kusvaya kwakaita Tanya mbudzi ndakanzwa kufara chose , chainyanyonakidza mutsoka make aive asina shangu . Ndakaona hoyo wasvika kudanga zvese zvaingova mumaziso angu. Ndakati rega ndipfavire ngoma , ndichazosimuka zvangu ndoendako. Ndakanyepedzera kuridza mhururu nevamwe asi mumoyo mangu maive musitorina rugare zvachose . Ndakazoti mushure memaminitsi gumi nemashanu ndokunyepera kuita sendainorasa mvura kudanga.

Ndakasviko nokora chikumbo chainge chichangobva mukudhinda ndakaziva kuti hapana ainge afambapo.

Ndakangatora ndokusungira pachimucheka changu ndokuputira ndokukanda muhapwa .Ndakadzokera kune vamwe moyo wangu wati mbembe ,zvisinei amai vakabva vauya pandaive nyemwerero irikunzeve,takapuwa kudya tikadya, godo pasi musha wakadyiwa uwoyu .Runako na Jeri vainge vanana Tezvara variuko,Josi naTanya nemukomana aive munaku vaivawo pavo.Inhau yekuti mukomana iwoyu akandiwana ndakura zvekuti dei akauya kare kwangu chokwadi ndaimuhwengura.

Vanhu vakazopandaka ini ndokutorana naMarwei uyo aive ongobvunzwa neruzhinji kuti monzwa zino here

achingogutsurira.Takazonanaidzana tonanga kumba  
.Tichinosvika kumba Marwei aka.....

**\*END OF CHAPTER\***

## CHAPTER 08

Chisina kuziva Marwei ainge anokora tsoka yemwana wake Sekai sezvo munguva yaainge auya haana kumuona. Zvikara zviviri zvaingunotaura nyaya zvichifara kuti zvainge zvadira jecha kuna Tanya. Chokwadi ameno zvinomboita varoyi, akuna munhu ane nhamo semuroyi makambozvionawo here kana kuti ndini ndega ndinozviona, nguva yekuti azviriritire haana ane nguva yekutevera kuti nhasi waitei , wadyei uye waendepi. Mwari ngaatibetsere Hama dzangu titsvake Jehovah achiri kuwanikwa. ZvekwaMarwei zvaitokunda ngoma kurira chaiko . Kuswerera munjonjo pane kuti vaite basa ringavapa kudya. Seputugadzike vainge vaiguma karesa , Jere achiri kushanda .

\*Sekai\*

Ndakasvika mumusha wekwedu ndokubuditsa katsapo Kaye keivhu randainge ndanokora , amai vakati taifanira kumboriradzika muhari iya yandainge ndabva nayo kun'anga . Taizofuma tinotsvaka amwe makwenzi tonyatsokanga ivhu riya . Toritora tonorivhutsira mumwena wemajuru , chokwadi Tanyaradzwa tainge tazomugona rwazvino. Tumari twese tweekuroorwa taida tuperere mukundeya mudzin'anga zvavainge vakazviudza kuti avaite zvemishonga.

Takazonorara naamai uri mufaro bedzi bedzi.Zvemusi uyu taive tangozviudza kuti tichatuma nyoka kuti inosora chete iri nechekure . Isapinda mumusha. Takadeedza nyoka ndokuituma kunoono . Pasina nguva yakadzoka ikati vaine vachinamata.

\*Taruona\*

Kubva zvabva nyoka ya Marwei pamusha ndakazviudza ndakuda kutevera tsoka dzevana vangu. Zvemishonga ndainge ndisisadi chokwadi dei ndakaramba ndichizvitevera ndaizodyiwa ndakatarira sedemba. Mhuri yangu yainge yangozviudza kuti zvava zvangu kunamata kana kurega , atikumanikidziyi, asi ini ndakazoono kubata kwaMwari pamuzukuru wangu Tanya. Ndakatomboita imwe nguva yandaichema ndega kuti ndaitambisireiko nguva yangu pazvinhu zvisina maturo. Muzukuru wangu akaroorwa zvakadadisa , ndakafara , asi mufaro wakazogurwa nembuya yedhende muhuro iyo yakangosvika ndokuti dzii pedo nebveni rayo . Ko apana ainge avadana , eeeh regai ndisiyane nazvo bhaibheri rinoti regererai vavengi venyu.

\*Jeremiah\*

Kuroorwa kwemwana wangu kwakadadisa chokwadi ,  
munhu wese aivepo akadya , takaswera tichifara  
chokwadi . Chero vavengi ndakaona varipo vachifara ,  
chokwadi kubata kwaMwari koshamisa.

\*Sekai\*

Mukuidza kwezuva , takamuka naamai ndokutora.....

\*END OF CHAPTER\*

## CHAPTER 09

**\*Sekai na Marwei\***

Imiwoye pasi rakanga raminama chokwadi. Takauya naamai nemakwenzi aye ndokutora makumbo aye kuti tikange, takakanga kusvika zvanyotsoita. Akave mashura kuona dhongi rine nyanga, mutambo wose takanga tautsikisa nemazvo. Basa takanga tabata nemazvo. Takanga tangomirira kudinhuka kweriva. Muchato wavairopodza kutaura kwaingova kuhumana kwaana Jeremiah. Asi chakaerekana chati shwe ndiye mbaa kubata Marwei. Akaerekana ati pidigu ndiye dhii, akanga abata gumbo rake. Chembere yakadzaita ikatadza kunzwisisa zvakanga zvave kuitika. Nenguva isipi madatira emutsapfu akatanga kuita seanokakatwa zvichidzika nekurwutsoka. Tsoka yakatanga kupisa kunge iri murufuse, Marwei akabva aziva kuti shiri yabvuta rekeni. Akagwesha ndokunyika tsoka mumugomho wemvura yekunwa, tsoka yakanga yakati nyangarara pamusoro pemvura sekaganyamatope chana chegarwe. Man'a nezvingaka zvaive patsoka iyi hazvitauro, Chembere yakagomera kunge gudo ririkuzvara. Gumbo raitowedzera kupisa, Marwei akambonyukura tsoka iye, Sekai akapindawo akabata gumbo rakewo rainge chidhori chine nhumbu. Muromo wakanga wanzi kapu kushama kunge gwaya rashota mvura .Tsoka yake yaipisa kuti tuuu, akasvikochera mukombe wemvura achidirawo tsoka yake imwe akambonwa. Akatarisa Mai vake avo vakanga

voita sevarikutaura nevarikumhepo.Vaviri havana kumboziva kuti inguruve yazvikanga nemafuta ayo. Mai nemwana vakachema vakazvirega. Matenga akanga aminama, makumbo akanga azvimba kutsoka idzo dzichipisa haikona kutaura. Kunze hakuna kuyedza makumbo akanyikwa mumugomho. Kana kudyika raibikwa nani ?

**\*David\***

Zuva remuchato rainge rakuswedera ,yaiva bonderere pekwedu kuchenesa musha .

Chokwadi ndaitarisira umhandara kuna Tanyaradzwa, sezvo amai vangu vaigarondirayiridza kuti nditore mhandara.Chandaiziva Tanya ahaimbozondinyadzisa Zuva nezuva ndainge ndotaura nemudiwa wangu panharembozha kuti ave akasimba nezuva racho ,sezvo muchiziva vamwe vanopererwa nenyadzi.

**\*Runako\***

Kuroorwa kwemwana wangu kwakandifadza ,zuva nezuva tainge tobetserana semhuri kumurayira."Tanya mwanangu zvowonopinda mukati memhuri itsva, remekedza Hama dzemurume wako ,ndivo vava vana Mai vako nana Baba vako .Ida vamwene vako apana mutsauko pandiri navo . Pfugamira murume wako nguva

nenguva,remekedza murume wako. Tenda kutsiurwa chero Nani zvake, usave munhu anotsenga mvura. Murume ahatsiurirwi pavanhu".

\*Taruona\*

Kuonana kwangu naMarwei kwainge konetsa ,munongozivawo kuti rudo rukasanduka kuva ruvengo runodii, chandainyanyoda koudza shamwari yangu kuti ngatinamatei zvemushonga azvina maturo. Takamuka ndokuswera muswere wese wezuva atina watakaona kwaMarwei. Ndakazoti papera mazuva maviri rega ndimanye ndimbonodongorera ,ndichingoti pamusha nda.....

\*END OF CHAPTER\*



## CHAPTER 10

\*Pamusha pa Marwei\*

"Maiweeeeeee Taruona weeee wandiuraya yuwiiiiiii,  
Sekai mwanangu tatangirwa naTaruona. Yoweeeeee kani  
ndikafa ndinokupfukira chete!!!!"

NdiMarwei aingunochema gumbo ririmukati  
memugomho. Sekai nedivi waingunoridza mherewo  
achidana Mai.

\*Taruona\*

Ndakapererwa chokwadi nemashoko aibuda mukati  
memusha uyu , fungwa dzakaita chahwiriri kuti ko  
pandainzi ndavatangira paive papi , ko ndainge ndatadzei  
vanhu vandaive ndisina kutaura navo mazuva ese awa  
kubvira zvaakadarika nepamusha pangu achikwenya,  
nyanguve musi waakazouya akaisa zidhende muhuro  
andina kubvira ndamumhoresa , ko ndaizopfukirwa  
ndainge ndadii? Mazwi aya akaramba achiideedzera ,  
ndakati nyahwa nyahwa kuti ndiswedere nechepedyo  
ndigodongorera nepahwangurudzo yegoni.

Zvandakaona zvakandityisa Hama dzangu, makumbo ainge ava maturi chaiwo . Achihwinya kuita sechioniso, Sekai ndiye aingovewo kudivi rekwake achingozvidira mvura misodzi iri pamatama . Umwe moyo wakambonditi ingopinda mumba, umwe ukati zvino zvawatotanga kunzi ndiwe muroyi pachaita chitsvene here ipapa. Ndakanyahwaira zvakare ndodzokera kumusha kwangu.

**\*Sekai\***

Rwazvino Taruona ainge atiorora chaiko ,ndakanzwa pamoyo wangu kuwedzera kumuvenga chaiko .Ndinofunga akataimira musu watabva mumusha wake ndokunokora makumbo edu, chokwadi chembere iyi yaizviroyera, yainge yatitangira zvachose. Ndaiti kuti ndigadzike gumbi rangu pasi ndaiita sendaveserwa moto chaiwo. Ndakachema ndikazvirega chokwadi, "nhai nhai ndirori gehena ramanditongera, chokwadi zvichingobva nemi makanonditsveta pana Jere wamaiziva ane mukadzi wake." Zvainge zvongoti nzara uku ,zigumbo chokwadi aizotibikira ndiani . Dzimwe fungwa dzakati dana vana Tanya zvimwe vangauya asi moyo wangu wairamba ,chandaiziva vaizondipedzisa.

**\*Marwei\***

Taruona aitofanira kundiripa chokwadi, kundikuvadza makumbo angu ndainge ndamutadzirei ini , ndakachema

Hama dzangu, "Sekai zvirinani nyama yangu iite yemagora pakudana mhuri yaTaruona izotinamatira ". Chokwadi ndainge ndatsidza kuti andinga ongewi nemuroyi wangu agondipedzisa. Zvaiti zvikamboti ribuditse mumugomo zvomboti rimwinze , zvozoti ridzorere , takatambura chemusi uyu hama, ndakazofunga zano ndokuzvishingisa ndokutora jira rangu ndokuridira mvura iya yatainge takanyikidzira ndokurimonera gumbo rangu ndokuinda parukukwe rwangu . Ndakaona Sekai oita zvimwechetezvo. Takabva tarara paya makumbo akamonerwa nemachira manyoro. Hope dzakandiba , ndakarota Taruona achiuya nevanhu vekusvondo rake vachindinamatira asi vaingunoti reurura upone. Ndakabva ndapepuka , ndakazvinetsa kuti hope dzangu dzairevei. Ndakapopota chose kuti Taruona unoda ndireurure chii iye ariye andikuvadza. Chokwadi muporofita iyeye haana kukwana kutoti ndireurure chii iye muroyi aripo padivi pake. Nzara ndiyo yainge yondibvunza mutupo , ndiani aizokambaira achikurunga bota pachoto. Kongotiwo nyoka ya Sekai yaakanokukuranawo nayo kumhiri uko yaipuwa bota zuva nezuva yaizopuwa Nani, ivo tenzi vangoti kungunya apo. Zvino yainge yongobidirika iriko kuseri kwegoni ndakaziva yaive nzara iyi.Zvimwe zvinhu tinozvida hedu azvina betsero padzimba pedu asi kutosveta simba redu. Andisati ndaona benzi remwana rakaita serangu kuchemera murume weumwe mwanana , dei nhasi ndisina kumbopandukirwa na Taruona. Ndakarwadziwa chose ndakazopatika mundangariro ndonzwa Sekai oti, "Mangoti ziro ipapo pane kuti muone

chii chingatora nzvimbo, zvimwe ndimi makatondikuvadza".

**\*David\***

Zuva remuchato raiveko mangwana , takarova mota zuva rovara kuti tinotora chido chemoyo wangu vazogarira pedyo , kuhama dzavo , uye kuti azokwenenzverwa kumeso nanamazvikokota vemicheno . Takarova mota takananga mumusha wekwa Ncube , takasvika mhuri yese yatotimirira . Takapinda mumota nemhuri yese kusanganisira mbuya vaTanya . Takazosvika kuhama yavo zuva radoka , takavasiya ipapo ini ndonanga kweduwo , sezvo ndaimanyira kugadzirirawo . Ndakaonekana nemudiwa wangu ndokumusimbisa kuti mangwana aifanira kusimba uye kusanyara . Pachokwadi Tanya ndainge ndisina kumbobvira ndamuguma chero zamu rake saka ndaitoziva kuti ndainge ndazviwanira mhandara Maria .

**\*Taruona\***

"Kubvira zuva randafuratira pamba paMarwei Hana yangu aina kuzogadzikana zvachose,umwe moyo waifara kuti taizoinda kumuchato pasina zvikanganiso zvekwa Marwei,asi pandaizofunga mashoko andakanzwa zuva riye achitaura hana yangu yairova,ko pamuchato pemuzukuru wangu pakaita zvikanganisiko vana vangu vachandichenurawo here".

**\*Tanyaradzwa\***

Chokwadi hana yangu yaiita kurovera pamusoro sendere , zuva rimwe rainge rasara kuti ndive ndaizomira pamberi pechaunga ndichipa mhuri yekwangu chiremerera . Ndaiti ndikafunga nezvezuva rangu hana yangu yairova . Chekuita chero chekuramba paive pasina sezvo ndaiziva apana akambondibata wangu muviri. Chandaiziva apana ainge akambondigunha zamu muupenyu hwangu . Ndaive ndisingade kunyadzisa vabereki vangu, zvikuru sei Tete avo vaizowadza mucheka muchena , ndainge ndisingade kuvanyadzisa .

**\*Marwei\***

Kurwadza kwemakumbo angu uye kuzvimba kwawo , chero kupisa kwawo akuna kunditadzisa kuti ndive ndichida kuziva zvaiitika mumusha maTaruona .Ndainyanyoshungurudzwa nemwana wangu Sekai uyo ainguno gomera ari kudivi kwake ,"Chokwadi apa ndikasamira semvumba Pana Taruona ndinenge ndataridza kuti ndakurirwa, chokwadi zvigopera nairo Gehena raakanditongera? " Ndeimwe mibvunzo yaiti ndikaifunga yainyatsondibaya pahana yangu senariti. Chakazonyanyondidya moyo chero ndaive panhovo

zvangu , kunyarara kwemusha wekwaTaruona .  
Ndakakambaira ndokusvasvavira hari yakabva naSekai  
kun'anga kuti ndione kuti chii chaitora nzvimbo mumusha  
uyo. Pandakangonoti musoro muhari iya nda.....

.

**\*END OF CHAPTER\***

## CHAPTER 11

\*Marwei\*

Rwazvino ndainge ndabayiwa pamoyo chaipo negodo, ndakapererwa nezvipa zvakapiwa Tanya nehama dzemurume wake ,vamwe vaito teketedza firiji chaidzo vachimupa ,kana iri mudziyo yavaimupa ndiyo yakandigura kunorira . Ndakazopererwa paakapuwa zimota naTezvara vake,chokwadi ndiTanya here uyo wataitsigisa nyoka ava kufamba nemota yoweeeeee nhai Sekai !!

Ndakanzwa godo pamoyo wangu ,ndokuputsira hari yandaionesa pasi, "Chiona Tanya mwana mudiki uyo aroorwa zvakana ,rako basa kungoteerera Jere ane mukadzi wake . Nhasi Taruona agarika ,Sekai ndati bereka shato yako unoidzose kwawakaitora ,basa kupedza tsvigiri yangu pano ndichiibikira bota .Saka chayakaita mukati meuno musha chi??"

Ndakapaumba ndichinzwira bhora regodo pahuro pangu,wanei wandinopaumbira ndadobatana nacho. Ndakatonhodzwa nemhinduro yandakazopuwa na Sekai. "Chembere inazvo kuda kudya kwayo ,nhasi shato yava yangu nekuti zvamaida zvakaramba ,akambotanga nekundiisa mumaoko aJere ndiani manje rwazvino ndava kukufumurai kuvanhu.

\*Tanyaradzwa\*

Ndaisaziva mufaro unochemedza Hama dzangu , ndiniwo Marengenyaisawo gumbo muupfu, Musekiwa aisekwa nenyika yese here? Ndakahwihwidza hama dzangu , Davie akazviona zvandaichema ndokundisimbisa . Muchato wangu wakafamba zvaiyevedza chose , Musiki ariye mutungamiriri wazvose. Vanhu vakazopandaka zuva rakunovira . Zvipo zvangu zvakaunganidzwa , kana iri Mari anditozive ndakawana zvuru zvingani , mudziyo yemumba yaishamisa.

\*David\*

Zvimwe zvese zvakafamba zvakanaka, yakazosvikawo nguva yainge yakamirirwa namai vangu kuti ndizadzise Shuviro yemoyo wavo. Ndaingonzwa mashoko avaindirayiridza kubvira ndiri mudoko achitenderera mune dzangu nzeve. "Mwanangu andide uroore , munhu akanguri aziva, varume kare arikutotsvakawo pekuzorerera . Ukaroora mhandara ndichakupa chipo cheimba . Unenge wandifadza. "

Kamuri rangu rakanogadzirwa naTete Josi vachiita chivanhu chaifanira kuitwa, vakazotaridza muramu wavo imba yekurara . Ndakamboti tandarei nana Sekuru vachindirairidza.



\*Josi\*

Ndakafara mwana wehanzvadzi yangu achiita chidadiso chakadai. Chokwadi chakanaka, chakanaka imbwa aiwukuri sadza . Asi nguva yaainge atarisana nayo ndiyo yaive nguva yakaoma chokwadi, nguva yekuti ape mhuri yekwake chiremerera kuti takagona kuraira. Ndakatora micheka michena ndokunowaridza mukamuri yandainge ndataridzwa naambuya vaDavid. Ndakadana muramu wangu ndokumurairidza, "Zvawadai mwana wehanzvadzi yangu wakura , usaite chinyadziso , ndinovimba munda wako apana akambourima richiri gombo chaira, wozvishingisa usazotinyadzisewo." Ndakadero kuna Tanya.

Ndakazobuda mumba maaive ari ndokunanga kwedu takunorara .

\*Tanyaradzwa\*

Kuuya kwakazoita murume wangu ndainzwa kunyara uye kutya Hama dzangu , Takarara basa rikabatwa chose , asi ndakaridza..... Kkkkkkk ngatichiisiyai muchangozoudzwa natete Josi. Chifumi chamangwana ndakamuka ndisingagoni kana kumuka asi murume wangu wakachema nerufaro . "Wandidadisa Tanya ndinokuvimbisa kuti tichapesaniswa nerufu , kana zvichiita futizve nyangwe tava magoritoto tinge tichingodanana !!! " Tete Josi vakauya ndokutora micheka michena iya , Hama dzangu kuita sepainge pavhiyiwa

mhuka chaiyo . Ndakanzwa mhururu mukamuri  
rekutandarira .

**\*Runako\***

Mwana wangu ainge andipa chiremerera chokwadi ,  
chokwadi zvakadai zvinofadza Hama dzangu ukaona  
mwana asvika pakuroorwa Ari mhandara kudza  
wekumatenga . Nekuti muzera waikozvino unofunga kuti  
bonde ndiko kusimbisa rudo nyamba zvimwe akurima  
munda iwoyo ahasi achakuroora. Ndakapuya jira rangu  
raive risina kuboowa pakati , ndakafara veduwee.  
Takazoswera togadzirira rwendo rwokudzokera kumusha.

**\*Sekai\***

Hama dzangu ndainge ndayuwira nenzara. Makumbo  
ainge orera kushaya Simba musatamba nemazuva matatu  
usina kana chidoko chawambokanda mumukanwa. Shato  
yainge yongobidirikawo zvayo iriseri kwegoni ummm  
zvimwewo uroyi hunoparira. Marwei muromo wainge  
wachitundumadziwa mumhino . Makumbo chiratidzo  
chekuti aserere painge pasina rwazvino ndainge  
ndazviudza kuti kana achindivenga ngaavege zvake .

Zuva rakabuda,apana aitura nemumwe.chioneso  
chaMwarwei chainge chakangoti mwarara kuzara pasi  
.Ndakanzwa panze ku.....

**\*END OF CHAPTER\***

## CHAPTER 12

\*Taruona\*

Ndakaonekana nemuzukuru wangu Tanya ndokumurayira kuti aifanira kuteerera murume wake." Murume haatsiurirwi pavanhu Mancube ,unomutora woenda muimba yemukati ,usarare wakatsamwira murume wako. Usanyima murume tsime rako".

Takazosimuka tonanga kwedu kuZhombe asi ini moyo wangu waiva kumhuri yaMarwei , sezvo ndaiziva chimiro chiriko achina kunaka.

Shuviro yangu yainge iri yekunoudza umwe wangu kuti azvina maturo.

\*Josi\*

Kubata kwaMwari ndainge ndakuona pana Tanya. Ndakazviudza ndaizoshumira Mwari wangu kusvika nyama nemweya zvapatsanurana .Ndiri mukati mendangariro ndakaona runhare rwangu rugwaro nenhamba itsva, "Makadii Tete vaTanya,ndatorawo nhamba dzenyu pakadhi remuchato waTanya ,ndirimukomana anemakore makumi matatu ndave zera rekudawo kuvaka musha".

Ndakapererwa chokwadi nerugwaro urwu. Hana yerudo yakamborova kkkkkk veduwe musaseka andinawo kumbobvira ndapfimbiwa .

\*Marwei\*

Kwakundoyedza ndakaona nyoka yaSekai yoshanyarika zvaitaridza yainge yofa chokwadi. Yakabidirika ruviri ndiye sarai. Ndakacheuka kuti ndione kana Sekai ainge akasvinura here ndokuona wainge akatorara dzeumambo .Ndakazvishingisa ndokumuka panhovo pandainge ndirere ndokuti nhamu shato iya ndakananga pamwena waive nechekuseri kweimba yekubikira . Ndakasvikoinzonyera mumumwena ndokunanaira ndodzika kumba .Zvaingovawo zvivindi veukama asi ndainzwa makumbo airamba ,chandaitya ndechekuri mbwende iyi isandifumure kuvanhu. Yotozovaraidza iro zishato rayo.

\*Sekai\*

Ndakanzwa mutinhiro wemota panze ndakaziva mhuri yekwaTaruona yainge yauya. Ndakati ndaibongomora mhare, "Vanhu vaJesu huyai mutibetsere zvotofira muno mumba, maiweeee kani!" Ndakaramba ndichideedzera asi andifungi kana vana Taruona vaizouya nemabasa amai vangu anosvodesa.

\*Runako\*

Ndakanzwa izwi richibuda kwakadziva nekwaMarwei ,ndakateerera kuti ndinzwe ichokwadi here ndakadeedza Taruona kuti anzwewo ,chiriporipocho takamanya takananga kumusha kwaMarwei . Tichinosvika pamusiwo Hama dzangu vakafa avana chavakaona . Takaona Se.....

**\*END OF CHAPTER\***

## CHAPTER 13

Chokwadi zano moto rinogokwa kunevamwe zvaive muimba umu zvainge zvisingatauriki. Takasvikopinda tisina kugugudza . Sekai kungotiti baa wakatanga kuridza mhere yakakatyamadza munhu wese . Chinzwa zvaitaurwa ipapo zvaikunda ngoma kurira chaiko. Kunodai kudivi raMarwei wanei mateko ehari ainge akazara pasi. Atina hedu kubvunza. Chimiro chemakumbo ndicho chatakapererwa nacho.

Marwei ainge akangotsikitsira kana chimwe chaakataura . Choto chaitaridza chainge chakaguma kubikirwa kare . Takazama kusanganisa izvi asi azvina mhinduro yatakawana.

\*Ndibetserewo Kani ndanzwa ini , andichazvipamhi kani! Runako kani ndinamatirewo!!!! " NdiSekai aingunoridza mhere.

\*Marwei\*

Ndakapererwa ndichiona mhuri yaTaruona yamira pamusiwo. Ko mhere yeuyoyuwo maipe yainge yatodeedza vanhu kudaro. Nyadzi dzinokunda rufu Hama dzangu. Ndakaramba ndakatsikitsira. Ndakanzwa Runako oimba nziyo yekusvondo ndokutanga kunamatirira Sekai. Kana kuri kuhumana zvese zvetsoka ndakapererwa. Chakasara chaive nemudzimu wacho . Mwana

wakadedenura zvese zvainge zvaitika wanei ini ndonyarirepi. Kune vamwe vanhu vane moyo hama, Mhuri yaTaruona yaiziva Mwari chokwadi . Nyanguve uyowo Nhamo Dahwa akaziva Mwari mushure mekuedzerwa anga asanduka vedu chakazosvika chikamu changu chekuti ndinamatirwewo , ndakanamatirwa naRunako uyo waingunorira nendimi dzakasiyana siyana.

Ndakazonzi ndaifanirwa kureurura. Ummm apa ndopandakaomeserwa chaiko, asi kupora ndaida nekuti makumbo ainge matende chaiwo. Ndakarangarira hope dzandainge ndarota mazuva ainge adarika.

Uswa hwenyati ndohuri pamuromo huri mudumbu inofa nahwo, Sekai achipedza kunamatirwa wakanjeva paiva neshato yake ndokuwana yangova nzvimbo . "Nhai mhai ko nyoka yainge iri apa yaendepi?"

"Handizivi pano pachigara nyoka iwe Sekai , zvimwe ndeyako ndosaka uchiitsvaka".Ndakasairira mhinduro kumubvunzo. Chokwadi mwana uyu kuda kundisvodesa pachaunga chese ichi . Ndakaramba ndichiita nharo dzamara Runako angozondinamatira kuti ndipore . Zveuroyi zvangu zvanga zvine basa rei naye .

Mushure mekunamatirwa ndakanzi ndiedzesere kufamba chokwadi ndakafamba, regai ndichiti zvimwe ndi Taruona akandiroya .

**\*Tanyaradzwa\***

Rumbidzwai imi makasika matenga nenyika , zvikomo nehova dzese dzinoyerera mvura. Ndakanotaridzwa imba yangu kuRedcliff navamwene vangu. Hama dzangu Mwari ndiMwari wevarombo, shirikadzi nenherera uye ndiMwari vanorangarira. Vanosimudza marombe kubva muguruva . Takatakura zvipo zvedu ndokunotanga kurongedza kuimba itsva, nemurume wangu taidanana chokwadi , zvanga zvisinei nekuti iye ndewekirasi yepamusoro . Kushamwari dzake ainge asingambosvodi neni sezvinoita vamwe varume vatinozoonza mudzimba umu.

Vamwene vangu ndainge ndisina chisvoro pavari uye ndaigaronamata kuna Mwari. "Jehovah wedzerai rudo pamoyo yemhuri yandakavinga , Haiwa ngavasaona ini asi vaone imi! "Nyanguve murume wangu ndakamudzidzisa kunamata zuva nezuva .

**\*Jeremiah\***



Ndakapererwa chokwadi kuti ndini ndaigara nemuroyi uyu . Ndakazopera simba ndonzwa zvikara zvobvunzana nyoka . Chokwadi Satan ahazorori , simba rekugarisana nemhuka dzinotyisa idzi munomboriwanepiko varoyi , dei simba iroro muchirishandisa kuita minana kumakereke , dei vasingaoni voona , matsi dzonzwa , zvirema zvofamba . Tsvagai Jehovah achawanikwa.

\*Josi\*

Ndakamanya kumba kunobikira vana Marwei usvusvu mushure mekunamatirwa . Ndakanzwa nhare mbozha yangu yorira . Ndakanotarisa wanei inhamba dzainge dzambotumira gwaro riye. Ndakadavira ndokunzwa mukomana uya oti, "Ndinoziva aundizive asi ndikuuya kumba kwenyu nehama dzangu nyanguwe tisina kudanana , ndinoda kukuroorai hanzvadzi , ndinosvika muzuva ramangwana. "Ndakapererwa nemashoko awa hama dzangu , chandakangogona kutaura ndechekuti " Ngakuve kuda kwenyu baba kusava kuda kwangu".

Ndakadeedzera maiguru kuti vauye navo sezvo ndainge ndapedza kubika . Rudo mukati mehana yangu rwainge rwamera . Ndainzwa mufaro chaiwo asi ndaingonamata kuti kana zvirizvo zvamaronga Jehovah ndinogamuchira.

**\*Sekai\***

Mushure mekunamatirirwa ndakanzwa kurerukirwa hama dzangu , asi ndakapererwa nyoka yandaيدا kuti ipiswe andina kuiona kuti yaenda nepi , kutobvunza amai vangu wanei ndakutochenamirwa apa ziso rakabuda kunge mukwasha awanikidzwa achiba .

Takazotungamidzana takananga kumusha waTaruona kuti tinodya sezvo tainge tava nemazuva . Pamoyo pangu ini ndanga ndasarudza kutevera Mwari asi amai vangu vainge vari mukwidza chaiwo kuvatanga.

Takaswera tichikurukura zvedu nana Runako . Asi mufaro waamai vangu andina kunge ndauona. Ndakati nyamba inyadzi dzinodero, Takazoonekana nemhuri yaTaruona takuenda kwedu . Ndakasvikokuhwidza moto amai muromo uchingova mumhino , ndakati ndingasvikepi kunyararirwa nemunhu wandigere naye ndokuti , "Amayi ini nda....."

**\*END OF CHAPTER\***

## CHAPTER 14

\*Marwei\*

Andidzori tsvimbo nekuti gudo rainge rabata kumeso ipapo ndaramba kwete ndinopika nevaera Moyo vese vakakomba churu . Taruona waitonditora sebenzi chairo. Kubvisa uroyi hwavakaisa mumakumbo angu vana Runako voti hanzi ndireurure chii chinoreururwa. Zino irema Hama dzinodiwa ndakaswera kumba kwaTaruona asi moyo wangu nepfungwa zvainge zvisiri panzvimbo . Takazopuwa iro keke rainge rabwiwa naro kumuchato waTanya tikadya zvedu.

Moyo wangu wainge wasvibira nzenza iyoyiwo yainge yandifumura mangwanani. Hongu Sekai mwana wangu asi andifambi nembwende ini parwendo rwangu.

Kudenha mangwiro wotosunga dzisimbe , mhuri yaTaruona ndaida ungosara musha chete vanhu vese angova makuva. Asi ndakazviudza ndaifanira kutambira mutambo uyu mumvura chaimo.

Ndakazopererwa ndonzwa runzenza urwo rwekuipa rwoti ..... , zvimwe kwaifungwa kuti ndikadero ndichawana murume sana Tanya.

Zita rangu ndinoitwa Petros. Ndinofunga mambonzwa makore angu pagwaro randanyorera Josi . Ndakashaikirwa nevabereki vangu ndiri mudiki. Ndiri mukomana asvika zera rekuroora asi zvingakutyisai ndaivepi nguva yese iyi ndichikona kuroora . Ndaisanganawo nevasikana vaingoda kundidya Mari yangu. Kubvira zvandaona Josi pamuchato ndikatora nhamba dzake pabepa rekokero andina kuzogadzikana mufungwa dzangu. Ndainge ndada , ndofunga munozivawo kuti rudo runorwadza. Ndakazofonera Josi kuti ndaiuya nanatete vangu kuzoroora , ndofunga zvingakushamisai kuti nei ndainge ndada kutonobvisa pfuma ini ndisina kudiwa, eeeka ndainge ndapenyerwa.

Ndakasuma Tete vangu kuti ndainge ndawana atorawo moyo wangu , pfuma yekuti ndikumbire ndainge ndinayo. Takazoronga kusumuka muzuva ramangwana.

\*Taruona\*

Ndakafara vasahwira vangu vachinamatirwa nemuroora wangu chokwadi ndakafara kuti ndainge ndawana

shamwari zvekare yandaizonamatawo nayo . Takaswera kumba kwedu tichitaura asi asahwira vainge vakaidzimbikana nemakumbo sezvo vainge vakangonyararawo.

Takazopesana voenda kwavo. Zvisinei ndakanzwa Josi oti mangwana taizoshanyirwa nevaenzi . Ndakarumbidza matenga hama dzangu chokwadi rainge riri Gore rangu. Ndakati izvi zvoda kutoudzwawo vasahwira kuti vandibetsere kurumbidza Mwari.

Ndakati ndichamuka ndichidzura dzimba ndozomanya kunodeedza Sahwira Marwei avepowo sezvo kumuchato kwaTanya ainge asiko.

\*Sekai\*

"Amai ndafunga kutevera Mwari ini, taedza kubata asi zvara....!!! Andina kuzopedzisa ndakumaudzwa Iwo akatadzisa imbwa kunyenama kuseka ichigona. "Ukada kutamba neni Sekai uchidero ndinokukanganwa, ukuda kundiita wakaipa ini kuvanhu iwe uchizvinatsa . Tora hembe dzako uende ikoko kwawaudzwa , dzoke nekuipa kwako wofunga ungachata iwe .!!! " Ndakarwadziwa hama dzangu ndichinzwa amai vangu vachindidzikisira . Ko ndainge ndatadzei dzimwe nguva tisu vabereki tinopa vana minyama nekuti izvi aungazvigoni.

Takazonorara pasina aoneka umwe, Chifumi  
chamangwana takanzwa mota zvakare pamusha  
waTaruona ndakaona chiso chaamai vangu  
chichinyevenuka , ndakapererwa kuti vainge vofarirei ko  
\*Ndaizivei\*.

\*END OF CHAPTER\*

## CHAPTER 15

**\*Petros\***

Ndakapinda munzira kuchiri mangwanani ndakananga kumusha kwana Josi. Takatambirwa nemufaro usingaite, takaratidzwa imba yevakwasha ndokusviko zorora zvedu tirimo.

Zvakawanda zvandainge ndafarira pana Josi . Aitaridza kuti musikana akadzikama uye anetsika .Vanhu vakazoungana ndokubva taita zvikaranga zvedu zvaifanira kuitwa. Moyo wangu waifara kuti ndainge ndawana achazova amai vevana vangu.

**\*Taruona\***

Vaenzi vakazosara vouya ndatopedza kugadzira dzimba , ndaibetserana nemwanasikana wangu nemuroora wangu. Hakuna chinhu chinofadza kana mugere semhuri muchiwirirana chokwadi ndainge ndakarasika . Ndakazoti rega ndimanye munzira ndigonoudza asahwira wangu . Agare akagadzirira agozouya kunevamwe. Shuviro yangu yainge iri yekuti umwe wangu asiye mabasa akaipa awa , chokwadi azvina maturo.

\*Marwei\*

Ndakasekera godo nechomumoyo ko mota yaitinhira kwaTaruona ndine chokwadi yanga iri yevarume vaTanya. "Ko vagenge vamudzosa zvarini , zvino zwoodzosewa nezuva rimwe ivo vanhu vaipemhedza nyika yese kuti mwana achata vachanyarirepi. Zvimwe afuma akayedzerwa kudzimba dzevanhu vakati atingagare nemuroyi.Chatai mega , toko warooo puuuuuu!!! "Ndakadero ndichisvipa mate pasi zvekusema . Ndakanzwa pahana yangu kuti nyevenuku , ainge akaura Taruona , tumadhora twese twainge twodzoserwa nezuva rimwe tafanana ! Ndakazopatika mundangariro ndonzwa mutsindo panze , kunodai wanei ndiTaruona akuuya arindege kumanya . Chero kugogodza haana kumbogara aita , akangosviko dhumera mumba chaimo.

"Marwei ndibetsere kutenda Mwari asahwira chokwadi kubata kwaMwari kunoshamisa , ruoko rwake ndarwuona mkati memhuri yangu".ndiTaruona aingunodeedzera amire mukati memba yangu. Ndakanzwa kusvibirirwa kuti chandainzi ndibatsire kutenda ipapa chainge chiri chii ? Ndakataura ndakawisa inzwi zvangu nekuti zvekupaparikirwa ndombozvida here ini, " Kutenda chii ipapa , asi matanga nhasi kudya iwo makeke aifufunyuka zvaitaridza kuti ainge akawanzwa mbiriso ??? Kekekeke



seka zvako mwana wemurozvi iwe! "Ndakadero ndakusvotesa . " Aewa asikana handei kumba kwangu kune vaenzi vaJosi vauya kuzomukumbira chokwadi wematenga akakosha ngaaongwe!!!! Akadero Taruona. Rwazvino ainge azondidira rufuse pamoyo chaipo ndakashwinya chiso changu ndokubvunza , "Asi wavakupenga here nhai Taruona , Josi unoita vaenzi vanoda kumukumbira kuti ange atotanga kupfimbwa rini. Ko handiti mukadzi wenyoka yako here? Ndakabvunza ndoda kunzwisisa.

"Makutopedza nguwa asikana tatomisa dare ngatimanyei ,ndaona sezvo pana Tanya wainge usipo ndikati zvimwe ungazoti ndakukuvenga".Takasara topinda munzira asi moyo wangu wainge wopisa . Taruona akazodeedzera kuna Sekai kuti agouyawo . Ndakazvidya moyo vadikani , chokwadi godo muroyi ."Hazvinetse agona ndoziva pekumubatira",ndakadero nechemumoyo. Takazoswera kwaTaruona , vakwasha vakabvisa Mari yaityisa hama dzangu. Taruona ainge agarika chokwadi, zvimwe wangu munyama wekupuwa mwana umwe . Obva aita zvakewo chaiko. Kuipa kuita semunin'ina wechidhoma ummmm chokwadi andisati ndaona zvakadai.

\*Tanyaradzwa\*

Itsika yavo wekumusoro kuropafadza pakashoreka ,  
ndakaona gwarombozha ruchipinda murunhare rwangu.  
"Munokokwa kumuchato musu wa 7 ,muchato waTete  
Josi".

Mufaro unochemedza hama dzangu, ndakahwihwidza  
sepaita rufu . Marangarira imba yakashoreka Jehovah  
kudzwai , ndakazoudza David kuti ndaida kuenda  
kumusha kuti ndinofara nevamwe takamirira zuva  
remuchato. David haana zvake kundirambidza  
ndakazomuka zuva ramangwana ndakananga kumusha .  
Ndakasvika zuva rorereka . Ndakatambirwa nemufaro  
nevabereki vangu kusanganisira Tete Josi.

Takateketedzana takananga mumusha ko \*Ndaizivei\*

\*END OF CHAPTER\*

## CHAPTER 16

\*Marwei\*

Ndakanzunuzuta ndokutevera Taruona mushure. Pfungwa dzainge dzoronga nekurongonora, apa ndainge ndatozviudza kuti ndotoita hwegondo rinoti rikakuta hukwana rinotovuta nemarara chaiko. Ndaifemera pamusoro chaipo negodo. Hana yaiita kurovera mudenga chaimo.

Ndakapatiswa ndonzwa inzwi raTanya iro raindimhoresa, "Makadii ambuya , varisei Mainini Sekai kumba? "Ndakapa nyemwerero yenhema, ndokudaira." Ndinofara muzukuru, wakangozotorwa nevarume vako chokwadi usina kundiwenekawo. Zvandainge ndine chipowo chandaيدا kukutambidza ".

"Ndinouya kuzotora zuva randinodzokera mbuya, maita basa chokwadi Moyo".Ndakanyemwerera chokwadi dzainge dzawira mutswanda chaimo dzisisanetse kudyorera. Ndakanzwa kufara ndokunyevenutsa chiso changu. Takadungamidzana na Taruona takananga kuimba yevakwasha umo mavainge vakaduka . Ndakaombera ndokukwazisa vaeni, kusanganisira naJosi uyo ainge achinyara nyara semwenga webete ari kuchikumbaridzo.

Makadiiko vana vangu kurisei kwamabva nevamwe vese?  
"Ndakaombera ndokubva ndaziviswa vaeni vaiva mumusha. Chokwadi Josi ainge azviwanira murume wake wakanaka. Mwana wevanhu aitaridza kuti ainge akanwa mukaka akaguta. Rainge riri rume rino rakareba refu raiva nevhudzi raiyerera zvikomo zvatama. Chokwadi wakawana ndakura mwana uyu . Makare angu ndiyo yaiva kirasi yangu chaiyo.

Ndakazonzwa inzwi raSekai panze ndikaziva ainge atevera. Ndakadzimbikana mumoyo wangu kuti ndingamudzinga sei pano.Chandainge ndisingade kuti adzidziswe kunamata nana Runako sezvo ainge asvikira muimba yekubikira. Dei ainge auya kwandaive ndiri ndaizomuudza kuti ngaanotarisa huku dzinotorwa nemakondo nehovo. Ndaida kutsiva chaiko Taruona kundizvimbisa makumbo angu kwainge aita.

**\*Tanya\***

Chokwadi zvinhu zvinosanduka chaiko ndiMarwei here uyo ainge otaurawo zvekupawo munhu chinhu chokwadi. Ndakazopererwa ndoona Mainini Sekai vouya pataive vachitaridza mufaro usingaite.

Kudzwai wematenga, ndimainini Sekai ava vaindibata nekuseri kweruoko vakundida zvakadai. Ndakabva ndavaregerera rwakapetwa.

\*Sekai\*

Ndakadaira ndokupinda munzira kutevera kwandainge ndadeedzwa. Amai vangu Taruona' vainge vachinja chokwadi uye vainge vakaregera mhuri yeduwo . Ndakasvikonanga uko kwaiva naRunako naTanya. Ndakavakwazisa, ndokundi kwandizisawo zvine rudo chairwo . Ndakazvidya moyo chokwadi nemabatiro andaiita Tanya ndakati zvirinani kumukumbira ruregerero zvese naamai vake zvimwe ndiko ndirerukirwe. "Ndiregereiwo Runako nowe Tanya nemubatiro wandakakuitai kwaive kusazivawo uye kufurirwa. Andina hangu chekukuripai nacho ndiri muchena".Ndakadero misodzi yoerera.

\*Runako\*

Tainge tiri mushishi yekubikira vakuwasha vangu . Takaona Mainini vangu Sekai vachiuya sezvo vainge vadaidzwa nevamwene vangu . Takakwazisana nemufaro, ndakazorwadziwa ndonzwa vokumbira Tanya ruregerero. Ndakavanyaradza ndovaudza ndainge ndakavaregerera kare.

Takazoswera topembera naSekai tichimudzidzisa manakiro ainge akaita kunamata, vakataridza kuzvifarira chose. Takagovera vanhu chikafu, vanhu vakadya

nemufaro. Vakuwasha vakazooneka zvavo vanhu  
ndokubva vapandaka.

**\*Marwei\***

Ndakaonekana navasahwira vangu ndokuvaudza kuti  
ndainge ndomanyira huku, mumoyo mangu ndaiziva  
zvandaيدا zvainge zvaita.

Ndakasvikatora chi.....

**\*END OF CHAPTER\***

## CHAPTER 17

Semunhu aiva nechinangwa chake Marwei akamanya zvisingaite akananga kumusha kwake uko, aimuona aifunga kuti zvimwe ainge arimusikana ari kumakore makumi maviri.

*\*Marwei\**

Ndakasvikonanga muimba yangu yekurara , chinono chine ingwe bere rakangodya richifamba wani, ndakasviko tsvaka jari rangu idzva iro randainge ndapuwa pakaroorwa mwana wehanzvadzi yangu.

Ndakatora nhekwe yefodya yangu ndokutanga kutaura zita raTanya nekupika mhiko dzandaipika , ndakazorangarira ndaifanira kuzanganisa nemakwati emupunza. Ndakavhenda -vhenda mumasaga angu ainge akaturikwa kumadziro ndokumawana . Ndakaita zvandakaita ndokupetera jari riya muchibheke charakatengwa riri.

Hawaimbofungidzira kuti rambovhurwa asi waingoti zvimwe ndichangobva naro kuzvitoro. Ndakazonzwa wangu Matigimu oridza mutsindo akananga kuimba

yandainge ndiri. Nechemumoyo ndakati wanyangira yaona ndanga ndatopedza kare.

**\*Sekai\***

Nhai amai muripiko , chokwadi Mwa.....!!!! Handina kuzopedzisa mashoko andaida kutaura, chokwadi ndainge ndabatana nacho chembuya iyi. \*Iwe Sekai mazishaya seedhongu unoti Pwamai Pwamai kuti kudii.Ndikunzwe zvakare uchiti kana wabva mudzimba dzevaridzi wouya pano uchida kutsvaka nyaya dzekudyisa sadza nemazita evanhu andide!!!!" Ndakapererwa nemashoko aamai vangu, ndakangotendeuka ndokudzokera kumasure ndakananga muimba yekubikira. "Ko amai vangu chavambonyanyo kundivengera chii , zvandinovakudzawo wani, ko ndini ndakazvida here zvekusaroorwa ndichichatawo. Ko inga vana Runako vati ndikashinga kunamata ndinokunda ,ko kuzondiganhura ini ndange ndichida kuvaudza vandibetsere kwakanaka?"

Ndakazvidya moyo hama dzangu. Chembere iyi ndainge ndoishayira mupanda, ndakanzwa mazwi aibudikira nemuimba yayo ndakati regai ndifambe ndinodongorera. Hana yangu yairova sezvo ndainge ndambokandwa mashoko , Ndakadzokera zvekare muimba yekubikira.

**\*Josi\***



Kuroorwa kwangu kwakafadza chero amai vangu. Munamoto wangu wainge uri wekuti Mwari vazadzisewo zvisuviro zvangu , semunhu ainge abva zera asingapfimbwewo. Petros akazowoneka zuva rorereka , zuva remuchato rainge ranzi, sweramangwana. Vaizodzoka votitora mukuidza kwamangwana. Takakokawo vana Sekai naamai vake.

**\*Marwei\***

Tsoro dzangu dzainge dzakufamba negwara chairo. Ndakafara mukukokwa kwandainge ndaitwa kumuchato . Ndiko kwandaizonopira Tanya chipo ichi musi wekudzoka . Painge pondishungurudza ndepana Sekai , mwana uyu chokwadi ainge oda kunyanyoona zviru mberi , manje ahandizive ndinomudzora me.....

**\*END OF CHAPTER\***

## CHAPTER 18

Chifumi chemusi uyu mhuri yaTaruona yakamuka runyanhiriri kugadzira rwendo rwavo. Tanyaradzwa wakabva atumwa kwa Marwei kunovaudza ngavagadzirire.

**\*Jeremiah\***

Ndainge ndaona kubata kwaMwari chokwadi mumhuri yedu. Chakanyanyondifadza ihanzvadzi yangu Josi uyo akawanawo aimudawo, hongu pfuma ingazouya zvayo asi chinokosha muupenyu kungowanawo anokudawo iwe uchimudawo.

Takafumobata jongwe muromo kugadzirira rwendo urwu . Takadeedza muvakidzani wedu Marwei nemhuri yake . Chokwadi ainge achinja zvachose.

**\*Petros\***

Ndakapinda munzira ndakananga Manzimnyama kotora wangu Josi wepamoyo. Pekuti varare rainge risiri dambudziko rakakura sezvo vabereki vangu vainge vandisiira imba hombesa ine makamuri gumi nemaviri, ku

Mbizo 8. Ndainge ndichifara zvangu asi mumoyo mangu ndairwadziwa kuti dei vangu vabereki varipo vopembererawo mwana wavo nemuroora mutsva. Chokwadi unherera chinhu chakaoma aungachinzwisise kana usiri mukati macho bvunzai vasina vabereki vagokuudzai makoshero ekuva nemubereki muupenyu.

Ndakazopatika mundangariro ndoona zviruvi zvedzimba dzekwana Josi. Ndakafamba zvishoma nezvishoma ndakupinda pamusha. Takawana mhuri yese yamirira isu kusanganisira Ambuya vaye vaivepo zuva randakanokumbira. Semunhu ainge anemota huru azvina kundinetsa kutakura mhuri iyi.

\*Sekai\*

Nerokwe rekupfeka ndainge ndinaro here Hama ,chawana Hama achisekwani . Ndakati regai ndiudze Mai vangu kuti kana vane raindikwanawo vandipe. Hazvaiita kuti ndisare ini ndainge ndakokwa chokwadi kune zvakanaka izvi.

"Amai ndanga ndichikumbirawo rokwe renyu riye rine mavara".Ndakadero ndakazvininipisa, mhinduro yakazobuda mumuromo maamai vangu chokwadi kana usina kusimba waizono kwegurira mujira chaimo.

"Ingosara ka neman'a iwawo ungasonodambura machira evanhu. Zvagara unototi usare uchirinda hukwana nekuti mufambiro wako wawava kuita nana Runako andichaunzwise munenge makandiranga imi!!!!!" Yakapaumba chembere yekushaya menowo mumuromo. Handina kudaira zvangu asi mibvunzo mizhinji yaingotenderera kumusoro medu.

Takazonzwa mutsindo panze waTanya ainge auya kuzotidana kuti mota yaizosvika tisati tava panzvimbo.

"Mainini zvanzi naambuya chikasirai muuye kuno , vanhu vanozouya musina kusvika", akadero Tanya. "Andina chekupfeka saka rwendo rwagurwa negurwe". Ndakadero pamoyo pachirwadza ." Chokwadi ndiro Gehena ramanditongera nhai mhai ko makaregerei ndakangozowana aindida nezvandiri? "Ndakazvidya moyo Hama dzangu.

" Amai vange vadokugadzirirai zvipfeko Mainini handei munopfeka", akadero mwanasikana wevanhu . Ndakanzwa kufara hama vadikani kune vamwe vanhu vakazvarwa nerudo , auye wakavachinjisa chero ukaita utsinye hunengei. Takazochingamidzana takananga kwana Taruona.

**\*Marwei\***

Ndakatora chichari changu chiye chainge chine riva racho. Ndakabatanidza pamwechete nembatya dzandaizonochinja kumberi. Takasvika kwaasahwira vangu mufaro uripamusoro . Vakuwasha avana kuzotora zvavo nguva yakareba ndiye hutu tananga kudhorobha. Taifamba tichikurukura zvedu. Pasina nguva tainge tasvika kudhorobha .

Josi wakazonogadzirwa kumeso nemusoro nana mazvikokota vekukwenenzvera , "Chokwadi zvinhu izvi zvotoitikawo!" Ndakazvibvunza mumoyo ndoona Josi oita sengirozi chaiyo. Ko ndaizvizivirepi kunze kwemusi uya wandakaona Tanya nemuhari ya Sekai achikwenenzverwa.

Takazorara tichiraira mwana wedu Josi. Chifumi chamangwana zuva remuchato rainge rasvika . Ndakafara zvikuru nekuda kwezuva iri asi nekuti Ndaifarira kuti tsoro dzangu dzainge dzabudawo . "Chokwadi ndakati zvapera mumoyo mangu.

**\*Runako\***

Munzira mese takananga kudhorobha ndaingonzwa usimbe uye kuremerwa nekunamata . Ndakangoti nechemumoyo chingava chii chingaitika zvacho, takaswera nechembere dzangu tichiseka . Kusvika pakurara tichizvifarira , asi kuremerwa neusimbe hazvina kupera . Ndakati zvimwe ndaida kunyangirwa nedzihwa . Ndaizotuma Tanya kotsvaka mapiritisi kana zvainge zvaramba zvichienderera mberi . Takamuka ndokugadzira , zuva guru mufaro wakapfachukira kusanganisira kuna Marwei . Vanhu vakazoonekana vaienda kwavo voenda , kusanganisira Tanya uyo ainge ongochema chema nekuda kwekunobikira murume sezvo mazuva ainge awanda. Takazoonekana naye opinda mutekisi iyo yainge yatumirwa nemurume wake achiti ainge anonoka. Akatozoperekedzwa na Marwei kusvika painge pakamira tekisi yacho. \*Ko Ndaizivei\*

\*Marwei\*

Chisina kuziva vanhu kuti pandakaona vasina kunamata tichisimuka ndakafara zvekuti, ndainge ndafamba nemuvhuno muchiuno mangu. Rakazosara kurara pasina kana adana Mwari wake . Zvakawedzera wangu mufaro. Ndakazonzwa Tanya ofonerwa nemurume wake kuti ainge anonoka ndakabva ndati zvangu zvaita . Ndakaverevedza nechibheke changu chaive nejira ndokunonyepera kugara zvangu nechepadivi pevheranda remba iyi. Achingoti bha goni reimba mushure mekuoneka Hama dzake ndakabva ndadeedzera, "Nhai

muzukuru ukati ndingakukuvadza here kana kukuroya zvausingasandifungise chipo changu. Ndadoona ungatozochisiya ndikati regedza ndigare ndabuda nacho!!!!!! " Ndakanyemwerera zvikuru ndokumusvitsa mwana akafara zvekuti kuti ndainge ndamupawo chipo.  
\*Ko Aizivei?\*

\*Tanyaradzwa\*

Ndakangozobva pamba Pana Petros ndomanya manya sezvo murume ainge ochema chema kuti ndaingewo ndagarisa. Handiti munongozivawo kana rudo rwuchangotanga.

Ndakasvika kumba kwangu ndokubhedhenura chichira chandainge ndaropafadzwa naMbuya vangu. Ndakafara zvikuru neni kuti ndainge ndatowana chijari chekumuka ndichisungawo mangwanani pandinotsvaira chivanze chepaimba yangu sezvowo yainge iri nguva yechando.  
\*Ko Ndaizivei\*

\*END OF CHAPTER\*

## CHAPTER 19

Vana Taruona nehama dzake vakazokwira mabhazi vonanga kwavo kumuzinda. Handiwo mufaro wainge una Marwei munzira yese. Shasha yairondedzerawo zvakamunakidza kumuchato.

*\*Marwei\**

Mufambiro wakaita tsoro yangu ndakaufarira zvachose,ndichingotenda Ivo vadzimu vangu vakafamba neni kusvika pakupedza chiteyo changu. Chakazonyanyo kundifadza mutambo wangu ndakautambira kudhorobha, hapana aizombofa akafunga kuti ndini ndainge ndasunga Tanya mbereko.

Ndakaziva kuti dei ndainge ndasunga Josi vanhu vaizoti ndini sezvo ndainge ndiri pamuchato wake. Manje zvaTanya apana aimboti fembu zvachose ,vanhu vaingoti zvimwe akasungwa navamwene vake. Rakangosvika kumusha ndokuita waziva kwake ,waziva kwake. Ndakatakurana newangu Sekai ndakananga kweduwo kumba . Chekuchakwindimara chainge chiri cheiko iwo mariva ndainge ndateya, chainge chasara kunzwa kudinhuka kwawo.



## \*Tanyaradzwa\*

Kugara kwangu nemurume wangu tainzwisisana zvikuru .Asi pataizonetsa ndepékuda kusanamata semunhu ainge asina kuzvijaira. Dzimwe nguva taisvika pakurara tisina kunamata tichitamba chikudo. Ndaitozorangerira kunamata dzimwe nguva patova pakati peusiku. Mazuva akadyana akaumba mavhiki, akazoumbawo gore ndisati ndopfirawo . Vakawanikirwa musure mangu vese vainge votovhuna zviuno vachisunda dzimimba dzavo. Izvi ndizvo zvakatanga kudya murume wangu zuva nezuva. Nyanguwe Hama dzake dzainge dzongonditaura zuva nezuva .Ndakatanga ndichiti zvimwe mwedzi waitevera ndinenge ndatsikawo ,nyamba kwete waingova mucheno wehope .

Kana vari savamwene vangu zino ravo rainge rorema kuriona . Dzimwe nguva ndaiti ndikavashanyira wainzwa konzi "ungava musha rudziiko usangatambwe nepwere . Ndichazotambawo naniko?" Mazuva ekutanga ndakatanga ndichinyarara , asi sekuzivawo kwenyu shoko arivhikwi uye shoko rinoremera hana.

Ndainge ndotya kuvashanyira, Davie ndaiti ndikamuudza kuti amai mashoko avanotaura andimanzwisise aindisimbisawo kuti nguva ichakwana.

Asi zvakazosvika pakudhinha vadyi nhopi yegokoko chaiyo. Makore ainge otonanavira kune repiri .

Murume akatangawo kunonoka kuuya kumba . Ndainge ndoti ndikamubvunza kuti wanonoka nei aingoti ndanga ndiri munzira. Ndinorangarira rimwe zuva raakauya koedza chaiko, kunoti tiringindi rume rakaita serichandidya chaiko. Ndainge ndaonda kusara rutanda chaiko , asi ndaingoti andingafukuri hapwa kuvabereki. Chero kunamata ndainge ndisina simba , ko ini hwangu upenyu nguva zhinji yainge iri yemarwadzo . Nguva shoma iri yekufara. Zvimwe ndiro Gehena randainge ndatongerwa, ameni ngatizviisei kumusiki.

*\*Mai Davie\**

Ndakagara ndazviona hangu kuti mwanangu ainge apinda muimba isiriiyo, asi vanhu vakamanya kuti sei ndainge ndavenga munhu wandaisaziva. Zvemuroora wangu Mancube zvainge zvatondikandisa mapfumo pasi chaiko. Makore maviri chokwadi pasinawo rushiye pamusha ,zvainge zviri nani zvinzi yakabata asi ikazobva.

Basa kutepfuna mari yemwana wangu yaaiswera akamira muswere wese wezuva achishanda. Chake kungotenga hembe dzinodhura chete, pane kuti afambire

chibereko chainge chadyiwa nembwa tsveeee. Nyangwe vabereki vacho vainge vasina kukwana chaivatadzisa kuti vafambe nemwana mudzin'anga chainge chiri chii? Asi kuroorehwa vainge vapuwa twavo twese.

"Imi Baba Davie munoti chii nevana zvapasina zvirikuitika zvimwe Moto aupfute muchikona kutora mwana mukafamba naye!!!!" Ndakadero kune murume wangu ,fungwa dzainge dzandikurira. " Iwe Mai Dee rega kuita seunosvikirwa. Nguva zvimwe ndoisati yakwana ka. Ko kana vakataurirana kuti vachambomira kuita vana waziva sei? Ndinogaro kukutsiura nenyaya yako yekuda kutonga vana avo siya vana vafare. Zvigume nhasi andide kuzvinzwa futi!!!"

Ndakanzwa kubitirirwa nemhinduro yemurume mukuru uyu ,chokwadi tinoona vamwe varume vakangokura mitumbi asi njere dzakaposerwa kudurunhuhuru. Ndainge ndava nedzangu fungwa. Chiri mumoyo chiri muninga .

Ndakabaya nhamba dza Davie ndokumufonera .  
"He.....

\*END OF CHAPTER\*

## CHAPTER 20

\*Runako\*

Ndainge ndotaura nemwana wangu zuva nezuva pambozhanhare yaainge anditengera. Asi moyo wangu wainge worwadza uye ndainzwa kunyara pandaimubvunza utano ndonzwa achiti ndiri chigwindiri chaicho amai. Ndaitarisirawo kuti zvimwe ndichanzwa rimwe zuva oti ndakabatwa nenyongo andisi kugona kudya sezvo iriwo shumo yemunhukadzi wese.

Mazuva akadyana akuna guhwa rakabva nekuna Tanya. Dzimwe pfungwa dzainge dzichiti zvimwe kuroorwa ari mwanamudiki nyamba ndizvo zvinokonzera. Nyaya yakadero yainetsa kuti ndiudze Jere, semunhurume , ndakangozvisimbisa kuti Sarah ingawani akapuwa mwana akura. Zvino munguva ino zvichaitika here nyika yaremerwa nezvitadzo kudai.

Ndakati zvimwe regai nditaure nambuya vake Taruona zvimwe vaindipawo mazano semunhu mukuru.

\*Taruona\*

Ndakanzwa Runako ondibvunza mazwi airema chokwadi maererano na Tanya kuti vamwe vainge vawanikwa musure make vana Josi vainge vatova nevana vairezva. Ko chipfukutoi chainge chapindawo mudumbu make?" Ndakazvibvunza ndega , chokwadi remunyama rine mamvivi rinoonekwa nekusviba kwaro!!!! Ndainge ndotywa zvangu kuti ndichazonzi ndini ndainge ndakanganisa mwana. Takazokurukura kusvika tazoonesana kuti mwana aifanira kuuyiwa naye tombofambawo kumaporofita ,zvimwe zvaizoenda nepamwe.

**\*Marwei\***

Riva rangu ndaizvinzwa kuti rainge rabata mhuka chaiyo ,nekuti andina kumboona chero napukeni zvaro pamba paTaruona kunze kwaJosi uyo akangouya akasungirwa achibva adzokera nevarume vake,sezvo aiinzi anonoponera kudhorobha.

Ndainge ndoswera pamusha wangu kwa Taruona ndaitozoenda kwapera mazuva chaiwo. Sekai ndiye ainge ava mukombe nechirironge na Runako, zvainge zvisisina basa neni, sezvo ndainge nangomirira kudzoswa kwa Tanya. Chokwadi Taruona ndainge ndamudira mvura inopisa chaiyo. "Ndiani aizoda kugara nemunhu asingabari, chero ikava mombe mudanga zvatinozoona

vanhu vachichinjana nevekuma bhucha kuti zvirinani  
idiyiwe nyama zvayo.  
Shuviro yangu ndainge ndazadzisa kuna Taruona .

\*Mai Davie\*

"Helo Davie , waswera sei mwanangu, kana uchinge  
wachaisawo ndokumbirawo kukuona. Usarega jayaguru!!  
" Ndakabva ndangodimbura runhare rwangu. "  
Dzichingovawo nharo dzaDavie kungonokukurawo  
chikwavarasha chekumapurazi. Hezvo ooooh achichina  
budzi rachichawisa pano pamusha zviri nani mwana  
wangu atsvake anomuitira mwana pakuswerera  
matakanana iwaya." Ndakadero nechemumoyo. Pasina  
nguwa ndakanzwa kutinhira nechekugedhe ndakabva  
ndadongorera nepafafitera ndokuona ndiye ainge asvika  
Davie.

\*Davie\*

Ko kwainge kwaitikeiko kwandaiddzwa naamai,  
zvimwe akuna kunaka. Ndakangoti ndichichaisa munzira  
ndokunanga kumba kwevabereki. Ndakawana baba  
vachangobuda . "Nhai Dee mwanangu ini ndichawanawo  
wekutamba naye rini, hona ava makore maviri hakuna

chiriko , zvandaigarokukuudza siyana nana mufambi wenzira. Kusvika rini uchingochengeta munhu pasina zviripo. Chienda zvako mbuva yefungwa iyo!!!! "

Ndakangobuda ndisina chekutura kuna amai sezvo ndaivaziva ari munhu asingade kupikiswa . Chokwadi neniwo mwana ndainge ndomudawo , ndakanzwa kubitirirwa kuti sei Tanya anga asingatsikiwo. Ndakabva ndasvika kumba ndokuwana Tanya misodzi iri pamatama. Handina kuita hanya nazvo ndakangosviko darikira ndakananga muimba yekurara .

\*Marwei\*

Makore maviri akadyana , kuna Tanya kwainge kusina rushiye. Ndainge ndavaorora chaiko , ndakati rega ndiende kwasahwira ndimbononzwa chivandukira kuti vaifungei .

Ndakapinda munzira ndokunanga , "Vepano Vepano!!!!!!!" Ndakadairwa nasahwira uyo ainge ari ega akati nuva nuva muimba yekubikira. "Kwakanaka nhai Chihera kwamanyarara kudero?"

" Zvirikupi nhai Sahwira ndikushungurudzika izvezvi nekuda kwechimiro chaTanya kutawindi kwaari uko. Ndafunga kumbomudeedza kuti ndifambe naye mukati muvaporofita. "

Ndakanzwa hana yangu kurova ko Taruona ainge afungei . Bva kana otoda izvozvo ndakutomuraya iye mbune . Ndakazongodairira pamusoro ndokukumbira mumera . Paakangosimuka achienda kuhozi kwake ndakabva ndatevera musure ndokunokora tsoka yake . Ndakangoisa mumucheka wangu wemadzihwa ndokukanda pasi pehapwa. Ndakasvitswa mumera wangu ndokubuda ndoenda.

**\*Tanyaradzwa\***

Kugara mukati meimba yangu ndainge ndongogarira kuti vabereki vaine vadya pfuma yevaridzi . Kurarama kwangu aingove marwadzo zuva nezuva.Kana ari sa Davie waiti zvimwe ratova shavi rechihure chairi .Nhare yake yainge yongofonewa nevanhu vakasiyana siyana ,ainge ongoidaira ndiripo zvisina ruremekedzo. "Ko nhai Mwari ndirori Gehena ramanditongera, wangu mufaro uchauyawo rini. Zvangu zvivi zvakambonyanyokura zvakadini zvinoita misodzi igare iri pamatama ,Haiwa wekuMatenga burukai mumire neni!!!" Ndakanzwa



mumoyo mangu muchiti zvapera. Ndakanzwa Simba randaisaziva mukati memoyo wangu richiuya . Ndakabika kudya kwamanheru ndokunorara zvedu. Ndichingrovera matama pasi ndakarota ndichi.....

**\*END OF CHAPTER\***

## CHAPTER 21

\*Tanyaradzwa\*

Ndakarota ndiri mukati memusha wandakaberekwa asi ndainge ndakapfugama ndakatarisa kumabvazuva. Mbuya vangu Marwei vakauya panzvimbo pandainamatira asi vaininge vakabata mucheka mutema muruoko rwavo , rumwe rutivi rweruoko vaininge vakabata bepa rainege rakanyorwa mazita emunhu wese wemumusha wekwedu , pavakaedza kundifukidza mucheka wavo mutema ndakabva ndaita zvekuvakwevera zvenharo ndikavafukidza ivo. Vakaridza mhere vari mukati memucheka wavo. Ndakabva ndapepuka kuhope ndichiita zvekuvhunduka , ndakashaya hope idzi dzairevei. Ndakatarisa parutivi rwangu kutsvaka Davie wanei inongova nzvimbo,ndakapererwa kureva murume uyu anga abuda nguva dzandainge ndakarara. Ndakamuka ndokunomutarisa muimba yekutandarira ,fungwa dzangu dzaifunga zvimwe ainge ashaya hope ndokunoona T.V.

Ndakawana zvakare mainge musina munhu , hama rudo rukasanduka kuita ruvengo unoti zvine mashura . Ndiye Dee here uya wandairezvana naye mazuva ekutanga. Chainyanyondirwadza ndiye munhu ainge atanga kubatawo muviri wangu , chokwadi kana dzimba dzacho

dzakadero ,pfugamai munamate vana Mai mudzimba umo.

Ndakadzokera muimba yangu yekurara ndokuedza runhare rwake kuti ndinzwe wainge aindepi wanei arupinde. Ndakaedza rwaamai vake kuti ndivaudze kuti mwana wavo andizive kwaainge aenda, "Ndineurombo amai kukumutsai ndange ndichida kukuudzai kuti Mhooo!!!!" Andina kupedza zvandaيدا kutaura ndoita kuudziridzwa. Ndakadimbura runhare rwangu ndokutanga kuhwihwidza. Kwave kundoedza ndakanzwa ruzha rwemota panze uye kupwipwinyika zvaitaridza kuti Davie ainge ane munhu waaichinjana naye nyaya.

\*David\*

Ndainge ndonyangadziwa nekuramba ndakatarisa chikweya ichi chaive mumba mangu, chikafu nyangwe chaainge abika ndanga ndisisadye. Pava pakati peusiku ndakamuka ndakanzwa runhare rwangu ruchipinda gwaro mbozha kunodai wanei ndiamai vainge vandideedza. Ndakangomuka ndokupinda munzira . Ndichinosvika kumba ndakanowana.....

\*Mai Dave\*

Sezvo Baba Davie vaininge vadeedzwa neshamwari yavo kuti vagomuchairira mota kuenda kumaruzevha kumusha kweshamwari yavo, ndakashandisa mukana wekudeedza Paida mwana weshamwari yangu. Ndiye ainge achizova muroora wangu chaiye, zvimwe ndiye aizondibarira vazukuru. Ndakatumira gwaro mbozha kwaari, usiku humwe ihwohwo.

Pasina nguwa ainge asvika. Chandaidira jaya guru rangu ndechekuti zvese zvandainge ndataura aitevedzera pasina kupikisa , zvisinei zvakanaka here kana kuti zvakaipa. "Waita mwanangu wauya , uyu ndiPaida mwana weshamwari yangu. Ndiye wandakuda kuti aite muroora wangu, nezva Tanya wotokanganwa!" Ndakaona nyemwerero mumeso ake uye meso ainge azere rudo chairwo. Ndakangoti nyamu pandainge ndakagara ndokutora bhegi raPaida ndotambidza Davie kuti vachienda vese zvavo. Vachingobuda ndakanzwa kurira kwenhare yangu. "Kana ari Tanya andifonera ndinoda kumuudzisa" . Ndakataura ndega ndichitenda paive nenhare yangu , ndichinodai ndakawana chokwadi ainge ari Tanya, "Hello!" Ndakadaira ndakasunga chiso. Ndakanzwa shasha yoda kutaura kuti Davie haako " Unenhamo iwe kunchengera mwana asiri wako, ko kungobara wako ugomuchengera. Davie ndini Mai vake ndamudana kuti azatora mudzimai wake kuno. Ndiye

atova muroora wangu kwete iwe wakagovera chibereko imbwa! "

\*Sekai\*

Nyemwerero yaipuwa naamai vangu vachibva kwaTaruona andina kuinzwisisa. Chembere yaimwekura matadza ayo ichiri kunze kwemusha chaiko. Vakasvikatora chipadza chavo ndokumanyira muchisango hanzi ndakunotsvaka mushonga wezino, chokwadi ndakapererwa, vaitsvaka mushonga wezino kuti vainzwa zino racho here. "Bva nhasi kana vanokora tsoka yemunhu vachekera , ndinovafumura chete andichade ini kubatiswa zvandisingazive . Pasina nguva shasha yainge yadzoka. Yakasvikonanga mumba mayo mekurara, andina kuda kungwadza Nyamukuta sezvo ndaiziva kuti ndakambofambawo napo, saka mabasa ese aizenge achipedzisirwa muimba yekubikira. Ndakanzwa kudeedzwa "Sekai , Sekai, domanya kubindu unotsvaka muriwo!" Chisina kuzikanwa naamai vangu ndainge ndatsvaka usavi nechekare nguwa dzavainge vari kwa Taruona . Ndakatora chisaga chekuisira , sezvo ndaide kubatira imbwa yangu iri paguyo ndigoiroverapo chaiko!

Ndakamanya ndonanga kubindu ndichingoti pote nechuru chainge chiri pedyo nemusha ndakabva ndachonjomara zvangu kutarisa kwandainge ndabva. Ndakaona Marwei obuda muimba yake onanga kuimba yekubikira asi muruoko make ainge akabata chihari chiye chatakamboshandisira kukanga makumbo edu. Ndakaramba ndiri muchuru imomo kusvika chembere yevanhu yapinda muimba yekubikira , ndakanyahwaira nekuseri kwedzimba ndiye kwati kwati neimba yekubikira. Zvandakanzwa mukati meimba ndizvo zvakandikandisa mapfumo pasi chokwadi.

**\*Marwei\***

Ndainge ndonzwa simba chairo rekupinda muzana, ndakadeedza Matigimu kuti amanye kubindu ndisare ndichipedzisa tsoro dzangu. Ndakapinda muimba yekubikira ndokutsveta chihadyana chiye pamoto , ndakatora ivhu riye ndokukanda pamoto pandakati nditsvete mushonga uya mukati ndaka.....

**\*END OF CHAPTER\***

## CHAPTER 22

\*Marwei\*

Ndakanzwa kusekenyeka uye mashoko esvoto achibudikira nechekumukova , ndakavhomora meso semwana adzipwa nepfupa ,zvainge zvasangana nezvaitaurwa zvacho ndakapindwa nekutya. "Majaira chembere inazvo kuroyera vanhu simba ravo ,hamusvode here imi nyangwe muri amai vangu maguta kunyarwa nhasi maichekera . Muridzi wegumbo ndinomuziva , kukanganwa chazuro nehope makaita sei, nei muri nhundira mutsime ramunocherazve mvura. Yakutadzirai chii mhuri yaTaruona nhai mhai, zuro ndizuro makumbo ainge arimaturi mazviroya pano apa , nhasi ndivozve vanhu vamukukanga makumbo zvakare kutsvaka kuvauraya. Sei mune bwoni bwenyoka kuruma chaisingadye.

Amai rwazvino kana ndichifa ngandife zvangu , zvagara ndirori Gehena ramakanditongera,. Vezera rangu vane misha yavo ini changu pano kusengedzwa nyoka nemishonga . Muchafa muchitambura imi, tsvagai Jehovah achawanikwa.

Ndakapererwa nemashoko aya ndakaona zvaari Sekai wandinoziva , ndakanzwa hashu ndokubura chihadyana chiye pachoto ndichibva ndamu..... Ko ainge adzoka nguvai mwana iyeye!!!!

\*Sekai\*

Ndakanzwa kuombera amai vangu vachideedza zita ra VaTaruona, "Nhamo Dahwa ,Nhamo Dahwa , nhasi ndiro zuva rako rekufamba panyika netsoka dzako ,andide ukasire kusiya nyika asi ndinoda kukurwadzisa unzwewo zvandakanzwa ,uchave munhu weku....."Avana kuzopedzisa, vonzwa ndichisekera utsinye . Chandakasiya kuvataurira chainge chine mudzimu wacho zvokwadi. Kana ndichifa ngandife chikuru ndafira chokwadi, "ko vanongoroya munhu ainge asina kuvatadzira chokwadi!!!!

"Manje ndikuno....." Handina kupedza zvandainge ndichida kuvaudza chihadyana chaibva pamoto chakatsvuka mukati kuratidza chainge chapisa , chakavhiriridzwa chichindimhara padama. Ndakaridza mhere Hama dzangu ndichikwakuka kwakuka senondo.

Ndakamanya kuchikumbaridzo kotsvaka mvura yekuti ndidire dama rainge ratsva . Ndakamanya panze kuti ndinzwe mhepo kufura padama iri, ndakanzwa Marwei oti, "Wakaura iwe Maipe manje andicharwe nana Taruona



ndakurwa newe muroi wehama , basa kundireva na Taruona pano apa. Tora madhende ako ubude pano pamusha uende ndisati ndaku.....

**\*Tanyaradzwa\***

Hama dzangu akuna chinhu chinorwadza sekuuyisirwa mukadzi mukati memba yako. Davie wakapinda mumba nemunhu waainge anaye ,kuti ndione kuti chiso ichi ndainge ndachionepe ndakazvishaira . Ihama here ? Ndakarambirana nazvo zvakare ,vakananaidzana vachikweva zibheke ziguru raive nemavhiri zvaitaridza kuti munhu uyu ainge auya zvachese. Vakadungamidzana semakwai arasika vakananga muimba yangu yekurara. Ziso randaipuhwa nemukadzi wacho raive nekutaura. Panekuti ndicheme ndakanzwa izwi mumoyo mangu richiti usacheme Tanyaradzwa pfugama udane Musiki. Nguva yaukupedzera mukuchema waregerei kuchema kumatenga. Zuva raukupedza usina kudya uchifunga waregerei zvako kungopedza uchinamata.

**\*Davie\***

Ndakapinda mumba ndokuwana Tanya agere mumba yekutandarira. Ndakadarika zvangu newangu wemoyo ko

iye ainge amukira ani achine basa naye. Ndakasvika muimba yangu yekurara ndokuratidza Paida paifanira kurongedzera hembe dzake muzuva ramangwana.

Chandainge ndamirira kuuya kwa Tanya ndigomushura nawo mashoko, ndakazonzwa ovhara goni rekamuri inorara vaenzi kutaridza ainge onorara ikoko. Hongu Paida mukadzi wandainge ndapuwa naamai asi Hana yangu panguva iyoyo yairova kuti ndisamubate . Ndakazongomuudza taizotaura mangwana ndine hope. Ahana hake kuda kuita nharo ndokurara. Ndakabva ndarota Tanya achichema akanditarisa ndakambundirana na Paida . Pandakati nditambanudze ruoko rwangu ndibatewo Tanya , Paida akabva angochinja kuita nyoka . Ipapo Tanya akamanya achinamata achiuya kwandiri Paida uya akabva anyangarika!!!! " Ndakazopepuka ndichiridza mhere ndokunzwa Paida oti ndinoziva zvawanga uchirota Dee usatya . Mukadzi wako anoda kukuuraya saka mudzinge.

\*Mai Davie\*

Kusvika kwakaita baba De ndakabva ndangovashuma kuti painge pava nemuroora mutsva. Ndakaona chiso chemurume mukuru chichiuna seboora ratsva nezuya. Baba iyi yainge isingade zvisina basa asi apa vaitoti

vazvide chete mwana ndewangu , ndini ndakamutakura mudumbu rangu.

Ndakazovaudza kuti ndaida Tanya adzoserwe kumusha kwake . Avana chavakatenderana nacho pane zvese zvandakataura, asi vaigozvirambira anizvavo. Tigere kudero ndakaona Davie osvika achifemera pamusoro , ko kwainge kwaitikei , zvino kana Tanya anetsa Paida nhasi ndipo paaizoziva Chishongo avadenzwo. " Baba baba huyai ndikuonei!" Akadero Davie hana iri mudenga.

\*Baba Davie\*

Hope dza Davie adzina kundifadza uye muitiro wake naamai vake ndakamuudza wainge usingaite zvachose. Ndakaraira mwanakomana wangu kuti Hongu vainge vari Mai vake , asi achenjere kuraswa navo. Ndakazomuudza kuti munhu ainge ari kumba kwake ndaisada kumuona zvangu kana ainge achida kuwirirana neni. Ndakazoonekana naye odzokera.

\*Tanyaradzwa\*

Ndakapinda mukamuri mevaeni nekuti ndainge ndatoona kuti apana chembwa tenzi vainge vararira mutakura .Ndakanamata vadikani kusvika ndakuteuka ziya. Andina kuzorara kusvika kuedze. Ndakamuka ndokuita basa rangu semazuva ese asi ndainge ndatozviudza ndaifanira kuzvinyima zvekudya . Mukadzi wa Davie ainge achingova akazvivharira mukamuri rake ,handina kuda kuita hanya nazvo. Ndakazooka murume wake odzoka ndokumukwazisa ,andina kumirira mhinduro sezvo ndaitoona munhu haade kutaura neni.

**\*Runako naJere\***

Kana mazogara asikana musakanganwa kunamata , ini kunamata zvainge zvatova kure neni, ko handiti ropafadzo ndainge ndaiona. Ndakazoti rimwe zuva ndokunzwa moyo wangu uchirwadza zvachose pandairangarira dangwe rangu . Ndakabva ndazviudza mumoyo mangu ndaifanira kunamata. Takazoronga zuva rekutsanyira mwana wedu zvimwe kwaari kwainge kusina kumimirira mushe. Takatsanya hedu vhiki rese tichinamatira kuchengetedzeka kwake.

\*Taruona\*

Upenyu kana mugere semhuri hunongonakidza chokwadi  
, bvunzai vana vamwene vanowirirana nevaroora vavo.  
Ini ndainge ndonakirwa ndakura chaiko. Rimwe zuva  
ndakati regedza ndishanyirewo vasahwira vangu sevanhu  
vainge vava nenguva vasingasaui kwedu. Ndakatora  
ruchira rwangu ndiye katsva muchiuno, ndakananaira  
ndakananga kwa Sahwira ko \*Ndaizivei\*

Ndiri kunze kwemusha ndakatambirwa nekusuwa  
kwamai nemwana vainge vakagara umwe neumwe kwake  
, andina kuzviisa zvangu pamoyo ,zvimwe yainge iri  
nzara. Ndichinopoterera nekwaiva naSekai ndakaona  
mashura chaiwo!! Ndaka.....

\*END OF CHAPTER\*

## CHAPTER 23

**\*Taruona\***

Chokwadi ainge ari mashura mubani chaiwo, dama ra Sekai raityisa kutarisa wainge usingaritarisi ruviri chaiko. Kuti uti wainge akawira muchoto here waitozvishaiwa chii chainge chaitika. Mvura yerutsva urwu yaiyerera nedama zvino yainge yati chiki-, chiki pachipfuva. Chiona nhunzi zvodzoita waipererwa chaiko.

"Ko wakaiteiko nhai Sekai chakusakadza dama iroro kudero, Imota here chokwadi harina tsitsi,kubva rauya kumeso cha....." Ndisati ndapedza ndainge ndatoganurwa na Marwei , misodzi ya Sekai ndiyo yainge tongotevedza zvikomo zvamata.

**\*Marwei\***

Auna zvaungaita kana munhu akushanyira pamba pako, ko iye Taruona ainge asingazvioni here kuti ini ndaisatomuda mumusha wangu ini. Kusatoenda kwake kureva kuti adzichafuri mubani rimwe.

Ko kuzoda kuziva zvisiri zvepamusha wake ndizvo zvakazondipedza chose manje ndakamuorora, "Aaa chokwadi mota racho arisvodi kubva ranoti dzii padama chaipo pemhenya yangu here . Ndanga ndichitoti zvimwe ndichauya zuva rorereka wondipa nyemba kuti ndikuyire riite muromo. Wagona wau..... " Ndainge ndarudenha rwaMatigimu Hama dzangu ndakasvodeswa chaiko. Chii chisina kutaurwa ndakangoti nyengu mumba ndokubuda ndakabata.....

\*Sekai\*

Mashoko amai ava uye kuita zino irema kuna Taruona zvese nekwandiri ndiko kwakandisvota. Ndakaviruka nehasha ndichinomira kwakadero uko. Ndakati ndatanga kuimba maverse hangu ezvakaitika, "Musanyeperwa nechembere iyi vaTaruona pamuri ipapo mai iyi aitode kugara yambokuonai zvenyu , kubvira pamakauya kuzotinamatira , ndakuda kutaura chokwadi zvava zvenyu kundiregerera kana kusandiregerera! " Ndakatonongora chese chakaitika kubva pakunokora tsoka dzedu tichifunga ndeyaTanya.

" Nhasi uno ndavabata muimba  
yekubikira umo vanga vachiita mhiko dzavo negumbo  
renyu , pandavasvikira vasati vapedza ndokubva ndati  
ndinoda kuvaudza va Taruona ndipo pavavhiridza  
chihadyana chikauya chikandipisa dama imi.  
Vasakunyeperai kuti i..... . . "

Handina kuzopedza zvandaيدا kutaura veukama. Taruona  
akangoti nyengu muimba yake ndokuuya akasimudza  
demo chairo. Ameno Mai ava mweya waRigiyoni uyu  
vanenge vakabva nawo kumakuva chete.

Takaita rumwe, rumwe aziva kwake aziva kwake .  
Ndakamanya ndakananga kurwizi chaiko ndaisacheuka  
nekuti ndaiziva ndainge ndadenha Mangwiro saka  
ndaifanira kutokwinya chaiko.

Pandakanzwa kuti Marwei akanga azviroya ndikati  
akajaidzwa ,

\*Taruona\* "Heya waida kunditamba isiriyo nhai ?  
Urimbwa ine mavende mukadzi iwe ! Manje ucharuma  
ani ? Regeera kuroya mazuvano unowanei ? Usaminyure  
muromo kunge shure yehuku irikutofira ! "



\*Marwei\*, "Ibva pamba pangu, dzako itsitsi ? Ukuda kundidya nemazizino ako anenge chipendani cha nyatsimba mutota! Ndinokupisa nechitsiga chemoto shure iyoyo inokutunhaidza Kufamba mumaraini !"

\*Taruona,\* "Chiona zvawaita mwana! Zvimwe pfidza ! Marwei usarebesa muromo unenge wetsoko irikupfimbwa negudo ! Uchingoti kumeso kunenge cheni dzakaunganidzwa. Ngazvifumuke zvinhu zvako !

Ndichakupamha futi kukurakasha twukumbo twunenge dhibhu renhire !"

Chakava chisionekwe mazwi achipotseranwa kunge matombo.

Ndakazoonza shari youya nedemo ndakabva pamba apa ndiri mhengo chaiyo, rudhuku rwaive mumusoro ndirwo rwaionekwa kuti pesvu pesvu nemumakwenzi kuti ndizive Sekai ainge ananga nepi ameno.

Kwakadzimara kwasviba Sekai asati adzoka , ndakazoti nguva dzeruvhunzavaeni ndipo patakanzwa kufamba nechemumadziro memba, kunodai wanei ndiSekai . Takazomupa kudya kwamanheru ndokuzoronga kuti taizofumira kuchipatara komurapisa.

\*Davie\*

Ndichinosvika mumba ndakasviko darikira muimba maive na Paida uyo ainge akati kunyarara serumbwa rwune mimba. Nxaaa munhu anokona kumuka ogeza kumeso nekukwesha mazino. Ndakangozvinyararira ndofunga mbuva yepfungwa yandainge ndaudzwa nababa. Paida wakangomuka paainge arere ndokubuda panze ameno zvainge zvafungwa ikoko.

\*Paida\*

Zita rangu ndoitwa Paida ndinogara pedo nekumba kwamai David . Mai vangu namai va Davie nditsika nditsikewo. Asi ini na Davie taisazivana kubva kare kwese uku, nekuti ndaidzidza zvangu kuM. S. U ku Gweru , uko kwandainge ndabatanidzwa zvangu muSatanism . Ndakafara chose Mai Davie vachiti vaida ndiroorwe nemwana wavo nekuti muroora wainge aroorwa na Davie aisabara zvakare aisi kirasi ya Davie. Ndakafara chose ndokubva ndarongedza hembe dzangu kuuya kumurume. Takatorana na Dee wangu tananga kuimba yake , ndichinosvika muimba umu ndakanzwa kupera simba chaiko. Kunzwa kupisiwa. Ndakabva ndaziva mukadzi waDavie ainge ari chamakuvangu kunamata. Kurota kwese kwakaita Davie eee mweya

wangu wairwisana newaTanya nekuti ndainge  
ndatombomushanyira muimba yaainge akarara  
ndikawana achinamata.

Kuzodzoka kwakaita Dave akakwindimira ndakaziva kuti  
ndikaka kainge kaita zvako zvokunamato. Ndakabuda  
ndokukavinga.

\*Tanyaradzwa\*

Ndakanzwa kuunga kweinzwi remunhukadzi aiuya  
kwandaisuka, ndakasimudza musoro wanei ndiPaida  
akasvikobata chiuno ndokutanga kundiudziridza, "Ko  
unodei nhaiwe pausingadiwe.Davie aroora ini mudzimai  
wake ,anokudii iwe ngomwa isingazvare itai mai mwana  
muende kwenyu uko!!!

Paida akazotendeuka odzokera mumba mainge mune  
murume wake paakaona andina zvandakamupindura.

Takaswera muswere wese wezuva pasina aitura neumwe  
ko ndaizotaura Nani zvangu avo vaine vakavharirana  
muimba yekurara , ndakazozvisunungura ndokudya

chikafu chemanheru . Davie nemukadzi wake avana kubuda zvimwe vainge vaguta rudo. Ndakaenda muimba yangu ndokugwadama kukumbira njere kumusiki.

*\*Davie\**

Kwakasvika pakudoka Paida ndisina kumubata, ndaingonzwa Hana yangu ichiramba. Akambozama kuchema kuti ndainge ndamutororei ndakaramba ndakanyarara . Takarara zvedu achingopfikura , ndakazonzwa ofonera amai kuti ndainge ndakamunyaririra. Vaviri vakazovimbisana kuti vaiuya mangwana kuzodzinga Tanya.

Zuva rakasara robuda amai vatova pamba, vakangosvika kunanga muimba maTanya ndokunomu.....

*\*END OF CHAPTER\**

## CHAPTER 24

\*Marwei\*

Chokwadi akuna anomirira demo hama, ndaingoona kuti mveee nezvikwenzi, ndikati nechemumoyo ndakuororai. Kana ari Sekai yaainge atotanga aifanira kutokwinya chaiko. Nekuti ndainzwa kuita kuremerwa nehasha pamoyo.

Mwana uyu ainge adenha mashavi angu chaiko, ndakamanya muimba yandorara ndokutora chitehwe changu, ndakakanda makwenzi angu pasi kuti ndione kuti ainge ananga nepi. Sezvo mudziyo yangu yainge yapiswa neuya Sabhuku, mazizi angu ndainge ndisisna, ndakabuda panze ndichimanya kunotsvaka huku yangu.

Ndaizoibata sei ini ndaisagona kumanya. Ndakapinda muhozi ndokunotora chibage , ndakabva ndachikushira mumba kuti ndiwane kuibata. Pasina nguva ndainge ndatoibata. Ndakatora amwe makwenzi ndokumanyira seri kwemba kuya kumwena kwandainge ndaviga shato iya yekufa nenzara.

Ndakagwadama pamwena uya ndokufuridzira paminzwa yainge irimo iyo yanga yadoora kare. Pasina nguwa shuviro yangu yainge yazadzika, ndakaona zinyoka riya ropfakanyika pfakanyika.

Ndakaramba ndichifuridza maoko angu,pasina nguwa rainge rongozvongonyoka zvongonyoka. Ndakarizvuva apa rairema ndonanga naro muimba yandinorara nekuti Hondo iyi yaitoda ndikwinye chaiko.

Ndakasviko riradzika mumba muya , ndakabata huku iya ndokuikwiza kuti isanduke kuita zizi. Chekumirira painge pasitorina sezvo ndainge ndatosiwa nenguva.

Kunze kwainge kwatoti tsvaaa kusviba, Ndakatora rudhende rwehembe yaSekai kufembedzesa huku zizi riye ,chandaida kuti itsvake hwema hwa Sekai paainge ari,robva rangomuroverapo.

Pasina nguwa zizi-huku riya rainge rotobhururuka muchadenga. Ndakadaira ndoronda mufambiro waro ndakayeva padehwe riye. Hero rainge ronanga kurwizi rinenge raimushaya. Ndakariona rotevedza runzira rwainanga kwaTaruona ndakaridza tsamwa kuti tsoro dzese mudondo. Sezvo uko kwainge kwava nevafundisi

musha wese. Rakanosviko mhara padanda rainge riri  
pedyo nemusha. Pasina nguva rainge radzoka.  
Ndakabitirirwa kuti sei rakarega kuteerera urongwa.  
Ndakazongorara nenzara nechadyiwa painge pasina.  
Ndaizozviona mukuidza kwamangwana.

**\*Sekai\***

Mukuidza kwamangwana takagumira kuchipatara  
kunorapiwa , ndakaperekedzwa na Taruona. Chokwadi  
urwu rudo ndaishaya ndingarwutenda neni  
zvandinongova muchena zvake.

Hazvina hazvo kundiomera kuti ndirapwe sezvo  
vanamukoti ndakavaudza ndainge ndasvedza,  
ndokunobondera pahadyana yaipisa. Takapiwa mushonga  
ndokupinda rwendo todzoka. Asi mukufamba kwese  
ndaingonzwa kuti Hondo iyi ndaizoikunda kana  
ndikaramba ndinana Taruona vachindibetsera kunamata.

**\*Runako\***

Kutsanya kwandakaita semhuri ndakanzwa hana yangu  
ichidudza kukunda Hondo. Zuva ratapedzisira kutsanya

ndakarota mwanasikana wangu akazvitakura. Ndakapepuka ndokuti kudzwai Jehovah. Ngausave mucheno wehope asi ngazvitobatika. Takazogara hedu tichinamata zuva nezuva. Rimwe zuva ndakatogara zvangu mumumvuri weimba yangu ndakaona vamwene vangu vouya iri mhupo chaiyo hanzi ndasimudzirwa demo na Marwei. Kkkkkkk chokwadi aisi nyore kusiya boka rawaimbofambidzana naro unourawa ukasasimba.

Takabva taita munamato zvedu .Mushure mechinguvana Sekai wakasvikawo oti azvaiita kudzokera rufu kumba kwamai vake.Takabva tangoti ngaagare zvedu nesu tichimubetsera kunamata, uye achirapiwawo.

**\*Paida\***

Ndakafonera Mai Davie maererano nemwana wavo kuti ainge asingade kundibatawo semukadzi wake. Takazowirirana kuti vaiuya mangwanani todzinga ngomwa iyo.

Ndakabafirwa nehope pasina aitura neumwe, kuchiedza Mai Dee vaive vatomhara pachivanze . Takati tamutanga kumutuka Tanyaradzwa.



\*Mai Davie\*

Ndaifanira kumupedzera Tanya. Akange atondibuda zvake. Aifanira kuenda kwake .

\*Mai Davie\*: "Iwe chisikana pano pakuti Paida wazvinzwa ? Hatingagare nengomwa pano!"

\*Tanya\*: "Ndirikuzvinzwa amai ... David akandipa gupuro ndoenda hangu ".

\*Mai David\*: "Nyarara pwetere pwetere kutodosa kutura, kana ini ndinokupa gupuro racho! Munhu anodya sehochi asi dumbu kuramba rakati fatata kunge bhora remapepa, isu toda muzukuru ".

\*Tanyaradzwa\* Mu ...mu ....nga...bv.....hiii hiii! "

\*Mai David\*: "Hezvo ! Zvaunotobowa kunge chimvuu chashaya mai....tinyararire apo mutirongedzere tumikwende muinde!...Hi hiii kuchema kunge Chembere yezizi yatotsa mazai!""

**\*Davie\***

Ndakanzwa mukamuri mairara Tanya kuti yainge yangova mhere mhere ndakabuda , chokwadi Mai vainge vava kunditanyanga chaiko kundipa mukadzi wandisingade. Ndakasviko ndokuti, "Kana urisewe Paida kanganwa ini andikudi!!!"

Ndainge ndarudenha chokwadi ndakanzwa Mai voti  
"....."

**\*END OF CHAPTER\***